

ANIMADVERSIONES

IN

168

SPECIMEN DISPOSITIONIS &c.

SEU

SPECIMEN

TEMERARIÆ ET INJUSTÆ

ACCUSATIONIS

PER M.S.

PRÆTENSORUM IN BELGIO

JANSENISTARUM ACCUSATOREM

NUPER EDITUM;

ET

PER JOANNEM OPSTRAET S.T.L.

*Refutatum, in Authorem suum retortum, & Urbis
ac Orbis judicio expositum.*



LEODII,

Ex Typographia HENRICI HOYOUN Anno 1698

JAmenses sunt plusquam octodecim, cum Ex. P. DESIRANTIUS ex Urbe discessurus, Examen controversiarum Belgicarum paulisper sibi supplicaret; promitteretque se, ut primum in Belgium redisset, novas ad Sanctam Sedem informationes missurum. Verum aded promissis non stetit; ut contra, dum informationes ab illo Roma expectat, pendentes coram Sede Apostolica controversiæ non multò post in Belgio, ipso non parum conferente, decise sint, & per duo Decreta, alterum circa usum Formularii, datum 22. Aprilis 1697. alterum circa administrationem Sacramentorum, datum die sequenti, illud sit Summo Pontifici Innocentio XII. quirebus Ecclesiæ Belgicæ componendis, tot jam annos, tantâ sollicitudine insudarat.

Crediderat Auctor Speciminis, post Decreta illa nullam amplius Decisionem expectandam ex Urbe: Sed aliter suæ Sanctitati visum est, quæ postulante Rege Nostro Catholico finem tandem dissidiis positura, terminum peremptorium fixit prætensorum Jansenistarum Accusatoribus, intraquem, si quid adhuc opponendum suppeteret, proferre deberent.

Ea res ad angustias redegit Accusatorem nostrum, qui, dum expirante jam termino, nihil inveniret in nobis scriptisque nostris quod accusaret, materiem quæsit in Litteris Historicis, & nescio cujus Abbatis Le B. ut titulus præfert, Epistolam quam illic invenit, plenam irreverentiæ & contumeliæ in Sedem Apostolicam, insigni temeritate & immani calumniâ nobis adscripsit. SCHOLIA in Epistolam adjecit istiusmodi, ut nihil vel in nos injuriosius atque acerbius, vel in ipsam Sedem Apostolicam probrosius dici potuerit.

Summa Accusationis est, esse nos Jansenii & Baii Defensores, non solum non dispositos ad recipiendas decisiones Romanas, sed & pessimè erga Sedem Petri affectos; dum interim Roma, ut ait, nobis favet ad invidiam, omniaque nobis contraria passim proscribit.

Accusationis fundamentum nullum, nisi Epistola illa Abbatis Le B. hominis extranei & planè nobis ignoti, quocum nihilumquam nobis fuit commercii.

Scopus, declinare Tribunal Apostolicum & Decisiones Romanas avertere, ut per duo Accusatoris Decreta decisa maneant omnia, ac deinceps pro ipsius libitu quisque vel ad functiones Ecclesiasticas admittatur vel ab iis repellatur in Belgio.

Atque hoc est præclarum istud SPECIMEN, quod post tantum temporis Accusator noster ad informandam Sedem Apostolicam partu-

riit; planè quidem dignum, quod tot alias ipsius accusationes temerarias & falsas coronet, sed quod & Romam tandem ad redimendos à calumniis hominum, innocentes, permoveat. Facile enim intelliget, non esse in Belgio Janseuistas nisi prætenfos; quando Accusator illorum præcipuus, post tot annorum labores, nullum prorsus nisi in Litteris Historicis, eumque non Belgam, sed Gallum, & fortè fictitium, inuenit. Quis enim scit an non Adversarius aliquis aut fortè heterodoxus Epistolam illam Abbati Le B. Gallo supposuerit? Partem certè Epistolæ, quam præcipuè exagitat Accusator, suppositam sibi esse queritur ipse Abbas LE BOSSU (verus iterum an fictitius nescio) in scripto, cui titulum facit: La véritable Lettre de M. l'Abbé Le Bossu &c.

Et quid non metuamus ab iis, qui non ita pridem, ut Janseuistas inuenirent Duaci, tot Epistolas fictas per tot aures supposuerunt Vero ARNALDO?

Ut ut sit, Epistolæ illius Rei esse non possumus, qui palam eam nostram, non esse, nec à nobis probari sed vehementer improbari declaramus: Calumniæ reus manet, qui eam nobis adscribit, Accusator donec eam nostram esse vel à nobis probari ostenderit. Atque hoc primum conscriptæ in nos Accusationis Caput.

Alterum est, quod Licentiatus quidam subscribere noluerit novo alicui Formulario de morte Christi, nullâ auctoritate legitimâ, sed privatâ nescio cujus Doctôris temeritate ad discernendos Janseuistas fabricato & præscripto. Ex quo Accusator noster concludit, Licentiatum istum fide divinâ non credere, D.N.J. Christum esse Redemptorem suum, seu pro æternâ salute suâ mortuum esse, consequentiâ prorsus ineptâ, & non mediocri solum Theologo, sed vel Tirone Dialectico indignâ. Et hæc tamen solâ nititur calumnia tam gravis, scripto publico divulgata.

Possent hæc ad Specimen totum confutandum sufficere: sed quoniam, dum confutari videretur segenius, videri fortè alicui possemus minus alieni à criminibus, quæ in conobis afficta sunt; visum fuit subnexis Specimini Animadversionibus Accusatoris nostri in criminando temeritatem ac injustitiam notare apertiùs, promptamque animi nostri ad recipiendas Decisiones Romanas dispositionem, atque erga Sedem Apostolicam reverentiam ac obedientiam coram Orbe toto testari illustriùs.

ANIMADVERSIONES

I N

Specimen Dispositionis, &c.

TITULUS SPECIMINIS.

S*pecimen Dispositionis in Defensoribus Jansenii, Baii, Arnaldi &c. ad recipiendas Decisiones Romanas in modernis Controversiis: seu Scholia in titulum & partem ultimam Epistolæ Gallicæ insertæ libello: Lettres Historiques... Mois de Mars 1698.*

ANIMADVERSIO.

Per Defensores Jansenii, Baii, Arnaldi &c. designari Theologos Belgas, quorum causam in Urbe agit Doctor HENNEBEL, ex toto Specimine manifestum est.

Equidem paginâ 8. Defensores illos vocat *Factionem*, alia omnia Romæ simulantem. Addit paginâ 9. favisse ipsis Romam ad invidiam; omnia ipsis contraria passim proscripsisse, nihil penè quod ipsorum esset aut putaretur. Quos ipsi voluerant, ad Urbem evocatos fuisse: Brevia quædam & Decreta obtinuisse.... Frustra Romæ aliquem protestari de submissione &c. Et pag. 10. hoc esse ipsorum placitum: *Ecclesia non est infallibilis in judicando, quis sit sensus obviuſ & naturalis alicujus Propositionis*. Denique per Specimen totum Defensores Jansenii eos vocat, quos ipse Romæ accusat: *Nobis certè, inquit, qui hos homines accusamus, nihil lucrandum est*. Et rursus: *Quid ergo nobis restat, nisi ut Roma... vel nos condemnet, vel... ipsos indemnatos in Capitibus, super quibus eos accusamus, sinat?*

Quæ omnia aliis quadrare non possunt quàm Belgis Theologis, qui Doctorem Hennebel pro causa sua tuenda in Urbem deputarunt. Enimverò quæ alia *Factio* est, quàm dicere possit *alia omnia Romæ simulare?* Cui dicere possit *Romam favisse ad invidiam?* Ad cujus nutum *evocatio* in Urbem facta sit? Quæ *Brevia quædam & Decreta obtinuerit?* Quæ, inquam, alia *factio*, cui hæc quadrent, nisi Belgæ isti Theologi? Quis verò *Aliquis* iste, quem frustra dicit

Romæ protestari de submissione, nisi Doctor HENNEBEL? Qui tandem illi, quorum hoc dicit esse est placitum: *Ecclesia non est infallibilis in judicando quis sit sensus* &c. quosque ipse Romæ accusat, nisi idem Doctor cum iis quorum causam in Urbe defendit?

Atque hoc firmis primùm indiciis stabilendum fuit, ne fortè Accusator de calumniis convictus effugium quærat, dicatque se non accusare nisi Defensores Jansenii & Baii generatim, nullum autem se speciatim ut talem designare; ideoque neminem ei succensere posse, nisi qui se Defensorem Jansenii & Baii confiteri voluerit.

Defensor Jansenii & Baii non est in Urbe Hennebellus: Non Lovanii Huygenius, non Opstratius, aliive Theologi, qui Huygenio adhærere dicuntur: Non alii aliarum Belgii Civitatum primarii quidam Pastores, Canonici ac Theologi, à quibus ad S. Sedem Deputatus est Hennebellus: Et tamen hos omnes non minus disertè in *Specimine* suo designat Accusator, quàm si digito eos monstraret, aut nominatim exprimeret.

Incumbit ergo Accusatori, vel probare criminationes atroces, quas Viris istis palam adscribit; vel quas adscripsit, palam recantare.

SPECIMEN.

Lettre de M. l'Abbé le B. &c. SCHOLION. Quis sit ille Abbas le B. nemo melius dixerit, quàm Typographus Hagensis MOETJENS, ut qui illud scire potest ex Autore Litterarum Historicarum quas imprimit. Novit hic Auctor Scriptorem Epistolæ, de quo novit dicere, esse Abbatem: Qui est Abbé. Ex Moetjens autem &c.

ANIMADVERSIO.

Hoc ex *Moetjens*, vel ex Auctore Litterarum Historicarum, vel aliundè scire debebat Accusator, priusquam *Epistolam* illam Theologis Belgis adscriberet. Poterat etiam ac debebat Theologos ipsos, quos præsentibus habebat, an Epistolam illam pro sua agnoscerent, interrogare. Sed non ignarus accusandi sibi materiem substractum iri si faceret; maluit accusandi libidini temerè indulgere, quàm veritate prehensâ, non habere quod accusaret.

SPECIMEN.

Ex Moetjens autem id scire poterit ejus Confessarius.

ANIMADVERSIO.

Si alius id suggereret, mox adversus eum totum Belgium commove-

moveret Accusator, tamquam quid doceret Confessarios abuti scientiâ ex Confessione vel occasione Confessionis acquisitâ, quique eos ad nuperum Episcoporum decretum infringendum induceret: verum omnia licent Accusatori, modò adversus eos quos Jansenistarum nomine traducit.

SPECIMEN.

Vir, ut dicitur, Jansenii Defensoribus minimè suspectus.

ANIMADVERSIO.

Confessarius ille est R. P. Agapitus Discalceatus; quem dum Jansenii Defensoribus minimè suspectum asserit Accusator, de Jansenismo suspectum facit.

SPECIMEN.

Et qui aliter Pœnitentem suum talia imprimere non pateretur.

ANIMADVERSIO.

En ratiocinium quo nititur Accusatio: Moetiensalia imprimit: Et Moetjens est Pœnitens R. P. Agapiti Discalceati: Igitur R. P. Agapitus Discalceatus patitur eum talia imprimere: Igitur est Defensoribus Jansenii minimè suspectus. Inferendum ulterius relinquit: Ergo & suspectus est de Jansenismo.

Sic Accusator, etiam postquam S. S. D. N. Innocentius XII. discretè vetuit quemquam vagâ istâ accusatione & invidioso nomine Jansenismi traduci aut nuncupari, nisi legitimè suspectum esse constiterit, aliquam è quinque propositionibus tenuisse aut docuisse: quod de R. P. Agapito non constat.

Cæterum quid iniquius, quam factum Pœnitentis adscribere Confessario? Jam nè integerrimus quidem inter Confessarios criminis suspicionem evadet, si legitima sit ista Accusatoris criminatio.

SPECIMEN.

Quæ omnia hic præfanda fuerunt, ne more suo dicant hi, suppositam sibi suisque hanc Epistolam ab Adversariis ad conciliandam invidiam.

ANIMADVERSIO.

Mira consequentia! Præfatus sum, quod ex Auctore *Litterarum*

"*Historicarum* Scriptorem Epistolæ scire possit *Moetjens*; quod ex "*Moetjens* id scire possit ejus Confessarius, Vir Janseii Defensoribus minimè suspectus: Ergo more suo dicere non possunt hi, suppositam sibi suisque hanc Epistolam ab Adversariis ad conciliandam invidiam."

Imò verò tantò confidentiùs dicimus, non quidem suppositam nobis hanc Epistolam (nam supposita dici non potest nisi illi cujus nomine scripta est) sed falsò eam nobis ab Accusatore ad conciliandam invidiam adscribi: Tanto, inquam, confidentiùs id dicimus, quantò securiores sumus, neque Typographum *Moetjens*, neque *R. P. Agapitum* illius Confessarium, falsum dicturos: Falsum autem dicerent, si dicerent Theologos Belgas, quorum causam in Urbe agit Doctor Hennebel, illius Epistolæ esse Authores.

Quis nescit, ipsum *Litterarum Historicarum* Scriptorem multa litteris suis inferere posse tamquam scripta & missa sibi ab aliis, quæ finxit & scripsit ipse?

Quis neget, ab Adversariis nostris scriptam esse posse?

Et esto supponeretur id, quod pessimum supponi potest, scriptam esse à privato aliquo, qui Theologis illis, quos Janseistas vocant, adhærere dicitur; nec sic tamen ea ipsis imputari posset. Cum enim id ipsis nec scientibus, nec consentientibus, nec probantibus, factum fuisset; non potiori jure ea ipsis adscriberetur, quàm adscribi posset ipsi Accusatori, si fortè quis ex iis, qui ipsi adhærere dicuntur, eam illo nec sciente, nec consentiente, nec probante scripsisset. Expendat, quot malorum reus foret, si imputarentur ei omnia, quæ committuntur ab iis qui ipsi adhærere dicuntur.

Denique (ipsius Accusatoris sententia est) *nullus respondere cogitur pro facto omnium, qui sibi quacumque ratione adherent.* Ita pronuntiavit aliquando scribens ad *Illustrissimum ac Reverendissimum Archi-Episcopum Cameracensem* in causa R.R.P.P. Oratorii Montensis, & jam nos, priusquam accusaret, absolvens. Itaque ad amoliendam à nobis illius Epistolæ invidiam sufficere arbitramur, dum hic declaramus palam, eam nec à nobis scriptam esse, nec à quo scripta sit scire, nec scriptam probare, sed improbare vel maximè.

Neque est quod objiciat Accusator, nos *more nostro* id facere: Nam vel indè patet, nos similibus scriptorum Authores aut Approbatores non esse; qui si essemus, dicere non possemus nisi mentiendo (quod nemo, credo, suspicabitur) nobis illa supponi.

SPE,

S P E C I M E N.

Librum hujus Cardinalis (Sfondrati) non defendo: imò quædam ejus, primus, ut credo, in Belgio, sed modeste, impugnavi.

A N I M A D V E R S I O.

Neque nos Eminentissimi illius Viri librum defendimus, utpotè doctrinæ S. Augustini & Academiæ Lovaniensis *de prædestinatione gratuita, de gratia per se efficaci*, aliisque contrarium: sed nec credidimus eum à nobis impugnari debere. Fortissimè eum impugnauerunt & Sux Sanctitati denuntiaverunt Gallicani Antistites, qui stro auxilio non indigebant.

Verùm nec sic invidiam declinare potuimus. Sparsus fuit per Urbem rumor, à Doctore Hennebel incitari Belgas Theologos ut se libro Cardinalis Sfondrati strenuè opponerent; mox in ipsum commota Romæ tempestas; accusatur apud summum Pontificem; describitur ut turbulentus; invidia illi concitatur undique: Neque prius turbæ sedatæ sunt, quam acceptis è Belgio litteris intellectum est, neminem illic adversus librum Sfondrati scribere præter Doctorem Steyaert, qui & nunc gloriatur, quod *primus, ut credit* (ne quis hanc illi gloriam præriperet) *quædam ejus, sed modeste*, impugnaverit.

S P E C I M E N.

Quis autem ferat tantam adversus librum Cardinalis defuncti, ejus virtutem nè ipse quidem Abbas impugnare sustinet, amarulentiam?

A N I M A D V E R S I O.

Neque nos amarulentiam ferimus, quam Abbas ostendit. Sed quis ferat tantam amarulentiam Accusatoris adversus nos? Quos ferè non aliter compellat quam hisce nominibus: HI, HI HOMINES, HI NOSTRI &c. Ut nihil dicam de tot diſtertiis, probris, & calumniis, quibus nos, ut mox patebit, per totum *Specimen* incesſit.

S P E C I M E N.

Qui antebac Jansenium impugnabant, si vel verbulum duriusculum exciderat, omnes Deos in Jansenio (quia Episcopo in pace Ecclesiæ mortuo) occidiſſe videbantur.

ANIMADVERSI O.

Phrasis hæc an Grammatico an Theologo dignior sit, an utroque indigna, disputent alii. Nos certè eâ digni non sumus, qui pro Jansenio ne verbum quidem scripsimus umquam; sed silentium à Sede Apostolica indictum religiosè semper observavimus.

SPECIMEN.

Sed Sfondratum ne sacra quidem Purpura cum notissima virtute protegere potest.

ANIMADVERSI O.

Nos sacram Sfondrati purpuram, notissimamque ejus virtutem impensè semper venerati fuimus. Sed non item Accusator veneratus est purpuram & Virtutem alterius Viri Eminentissimi, quem non ita pridem ultimæ Editionis Operum Baii conatus est facere Authorem.

Quid? quod in hoc ipso *specimine* aggrediatur famam Eminentissimi Aguirrii, quem fingit Auctorem non esse eorum, quæ in libris ipsius habentur circa modernas controversias de Pænitentia?

SPECIMEN.

Cur? Jansenium ipse impugnat, & ab illius sensis remotissima tradit.

ANIMADVERSI O.

Jam scilicet Illustrissimi ac Reverendissimi Ecclesiæ Principes & Galliæ Præsules, Rhemensis, Parisiensis, Meldensis, Atrebatensis, Ambianensis, qui contra librum Sfondrati ad S. S. D. N. Innocentium P. XII. fortissimè scripserunt, idè Sfondratum impugnant, quia *Jansenium ipse impugnat & ab illius sensis remotissima tradit*; parumque jam abest, quin Viri illi, quantumvis Illustres, Accusatore nostro judice, Jansenii defensoribus accenseantur.

SPECIMEN

Atque insuper ille est, qui pro Autoritate Pontificis egregium illud opus aliquando edidit, cui titulum fecit: Regale sacerdotium. Hinc illæ lachrymæ, & intemperie.

ANIMADVERSI O.

Hactenus nè novimus quidem vel ego vel illi, quibus mihi loqui contigit, quod Libri illius Author esset Sfondratus: tantum abest ut hinc illæ lachrymæ & intemperiæ.

Intemperiæ sunt, Adversariis suis quicquid in mentem venit a fingere, modò valeat ad invidiam ipsis apud Sedem Apostolicam conciliandam.

SPECIMEN.

Sic nihil in posterum mittendum Romam pro Censura, Episcopi per se possunt omnia.

ANIMADVERSI O.

Rectè id in Scriptorem *Epistolæ* dixerit Accusator, in nos certè dicere non potest, qui misso ad S. Sedem Deputato, Decisione non aliundè, quam Româ, expectamus. Sed in neminem id quàm in seipsum dixisset rectius, qui Deputato suo ex Urbe revocato, controversias coram Sede Apostolica pendentes ipse non solum nupè decidit, sed & in hoc *Specimine*, Romana legatione opus non fuisse apertè significat. *Alia, inquit, est medicina, domestica, & non tam procul repetenda, quæ utinam jam ab initio fuisset adhibita! Neque nos tantum laboris & impensæ, neque Roma ipsa tantum molestiæ pertulisset.*

SPECIMEN.

Rectius ipsi Illustrissimi illi Antistites, qui librum Romæ scriptum, & quidem à Cardinale, Romanis censurandum remiserunt.

ANIMADVERSI O.

Quomodo ergo rectè Accusator, qui optat medicinam domesticam, non verò Romanam, neque tam procul repetendam, initio adhibitam fuisse?

SPECIMEN.

Hic varia sunt notatu digna. Obliquè primum perstringit Summus Pontifex, dum favere videtur Cardinali Viro summè ad hoc saltem ne famâ ejus aliquâ notâ inuratur.

ANIMADVERSIO.

Viderit id Scriptor Epistolæ : nos summum Pontificem ne obliquè quidem perstrinximus umquam. Sed si obliquè Scriptor Epistolæ perstringat Summum Pontificem dum favere eum dicit Cardinali Viro summo, ad hoc saltem nefama ejus aliquà notà inuratur. : Quid censendum de Accusatore qui paulò post dicit : fuisse nobis Romam ad invidiam ? *Nimirum*, inquit, *faverat istis Roma ad invidiam &c.*

SPECIMEN.

Si nuper favisset Operibus toties damnati Baii, nescio an post prima secula Ecclesia habuisset Papam præclariorem.

ANIMADVERSIO.

Non mirum, quod de nupera Editione Operum Baii suspectos reddere audeat nos Accusator, qui de eadem nuper suspectum reddere veritus non fuit Eminentissimum S.R. Inquisitionis Cardinalem.

At faciliùs in Accusatorem ipsum, quam in nos, caderet ista suspicio, qui (ut jam pridem observatum fuit in *Disquisitione Altera* pag. 275. & 276.) huic opusculorum Baii Editioni præfuisse visus est, cum 28. Martii 1996. in lucem edidit ineditam hætenus *Apparitionem Michaelis Baii*, in qua refert, quod rogatus Bajus an pœnas lueret *propter Doctrinam*, Responderit: *Non*. Quid enim post hæc supererat, nisi ut sequeretur Opusculorum Baii Editio?

Neque minùs aptè in ipsum retorqueri potest sarcasmus quem immeritò torquet in nos, quasi pro affectu nostro aut deprimamus aut extollamus summos Pontifices. Si enim pro votis ipsius Roma nos inauditos, ut fortè speraverat, condemnasset; non dico nescire me *an post prima secula Ecclesia habuisset Papam præclariorem* (nam hæc intemperantis animi sunt) sed istud scio, tam contemptum eum de Roma in hoc *Specimine* scripturum non fuisse.

SPECIMEN.

Sequitur de Societate Jesu: mirum quod non citiùs. Existimavit Author, eas hodie esse animorum Romæ inclinationes, ut nocere Sfondrato possit, si ei favere credantur Jesuitæ.

ANIMADVERSIO.

Nescio an magnam à Jesuitis gratiam relaturus sit Apologista, dum

dum hæc pro ipsis scribit. Facile enim, quod hic dicit existimasse Authorem Epistolæ, existimare etiam incipient alii, quibus alioquin, eo tacente, numquam ea cogitatio incidisset.

SPECIMEN.

Ast ego Jesuitas scio non usque adeo probare omnia in Sfondrato.

ANIMADVERSIO.

Utinam hoc palam profiterentur ipsi Jesuitæ!

SPECIMEN.

De Reverendissimo eorum Generali, quid dicam? An forte alius nunc est ab eo quem nuper ita extollebant, ipsisque suis Jesuitis invidiosissime opponebant in opere suo de usu probabilium? Sed iterum aliò hæc respiciunt.

ANIMADVERSIO.

Ipse nunc est, qui nuper: sed qui nuper meritò extollebatur, quod se communiori inter Jesuitas & laxiori de probabilibus sententiæ opponeret; is nunc meritò deprimeretur, si, ut scribit Abbas, jactasset præsto esse Jesuitas quinquaginta, qui librum Sfondrati adversus illius Impugnatores defenderent.

Atque hinc nostra vel erga adversarios æquitas elucescit; dum in ipsis etiam veritatem laudamus.

SPECIMEN.

Quod additur, C'est un ouvrage entierement opposé à tout ce qu'ont écrit les prétendus Jansenistes; sic accipiendum existimo, ut non contradicat saltem Illustrissimo Parisiensi Archi-Episcopo moderno, qui JANSENISTAS invenit etiam veros; ille nempe quem omni saltem Molinismi suspitione liberum esse decet, post tantopere laudatum de Gratia & Prædestinatione Decretum.

ANIMADVERSIO.

Verba Epistolæ suæ accipiat Abbas pro Gallia ut voluerit: Nos constanter asseveramus, Accusatorem cum suis jam annis pluribus laborasse ut vel unum in Belgio *Jansenistam verum* inveniret, & non invenisse adhuc, nedum coram Sede Apostolica; ut promitterat, probasse. Quæ causa fuit, quod SS.D.N. Innocentius XII in

Altero suo Brevi ad Episcopos Belgii dato 26. Novembris 1696. usus fuerit hac voce, *pratensi Iansenistæ*; quâ & nos in Belgio utemur, dum servato juris ordine, juxta prius Breve, probatum fuerit, verum aliquem in Belgio Iansenistam existere.

SPECIMEN.

Sed tandem ad rem ipsam veniamus. Enfin c'est un ouvrage examiné & approuvé &c. *Sic est, Domine Abba: Approbationes illas habet liber Sfondrati; & vel inde accedente ipsius Authoris dignitate merebatur à te tractari modestius.*

ANIMADVERSIO.

Nobis certè nulla in Sfondratum immodestia adscribi potest, quin in Sfondratum quidem scripsimus vel verbum.

SPECIMEN.

Tu ipse & tui ob causas prorsus easdem velletis, ut quæ non ita pridem libris suis quibusdam inseri passus est Eminentissimus Cardinalis DE AGUIRRE circa controversias modernas de Pœnitentia,

ANIMADVERSIO.

Nec Cardinalibus parcat Accusator. Famam Viri doctrinâ & virtute Eminentissimi AGUIRRII, utroque Orbe scriptis celeberrimam denigrare studet temerè asserendo, quod *Libris suis* quædam *inseri passus sit circa controversias modernas de pœnitentia*: quasi ipse sibi ad libros suos scribendos non sufficeret, & ex alienis laboribus laudem captaret. Ubi nunc zelus iste pro sacra Cardinalium Purpura, quem paulò ante ostentabat? *Sfondratum*, inquebat, *ne sacra quidem purpura cum notissima virtute protegere potest*: Cur? *Jansenium ipse impugnât* &c. Dicere nobis potiori jure liceat: *Aguirrium ne sacra quidem purpura cum notissima Virtute protegere potest.* Cur? Opiniones Accusatoris circa controversias modernas de pœnitentia ipse impugnât, & ab illius sensu remotissima tradit. Hinc illæ lachrymæ & intemperiæ,

SPECIMEN.

Haberentur. ab omnibus tantum non ut Sedis Apostolicæ placita.

ANIMADVERSIO:

Nescimus quò loco Abbas, aut qui Abbatis sunt, habeant ea quæ

quæ scripsit Eminentissimus De Aguirre circa controversias modernas de pœnitentia : Nos scimus numquam voluisse nos, ut ab omnibus tantùm non ut Sedis Apostolicæ placita haberentur.

S P E C I M E N.

Romam in eo loquentem producebat nuper non-nemo Lovanii

A N I M A D V E R S I O.

Non dubium, quin designet Authorem *Doctrinæ de Laborioso Baptismo*: sed proflus à vero alienum est, quod Author ille *Romam* in Aguirrio loquentem produxerit. Produxit cum præcipuè tamquam testem, quod *Doctrina de Laborioso Baptismo* nova non esset, nec tantùm apud paucos in Gallia & Belgio, ut objecerat Accusator, inveniretur. En verba ipsius in *Conclusione Doctrinæ De Laborioso Baptismo* ad Accusatorem: "Satis diu clamatum est, Vir Amplissime, nostram de Operibus præparatoriis doctrinam novam esse, & extra paucos in Gallia & Belgio, qui nuper à cæteris dissidere cœperunt, non inveniri. Audi nunc Virum Eminentissimum, non in angulo Galliz aut Belgii latentem, sed in ipsa Urbe Orbi toti dignitate, scientiâ, & virtute conspicuum, sic in te sententiam pronuntiantem &c." Si Romam in eo loquentem Author ille producere voluisset, dicere debuerat: Audi nunc *Romam*... sic in te sententiam pronuntiantem. Sed cum dixit: Audi nunc Virum Eminentissimum &c. manifestè accusationem istam de falsitate convincit. Quod & manifestius facit ibidem, dum prolatis Aguirrii verbis subjungit, ideo se illa protulisse, ut tandem intelligeret Accusator, istam de Operibus præparatoriis doctrinam novam non esse, sed (ut jam ex Aguirrio audiverat) à Scriptura sacra, Conciliis, Canonibus, & gravissimis Cardinalibus horum temporum traditam, atque in ratione manifesta fundatam: non concludi illam intra angulum Belgii & Galliz; sed esse Orbi universo, ad quem clarissima hujus Cardinalis scripta pervasere, notissimam.

S P E C I M E N.

Quid dicent nunc omnes, dum contra hanc Autoritatem tanto te Cothurno vident insurgere? Quæso temperemus nobis: simul agnoscamus, non ideo extra controversiam justæque impugnationis aleam poni scriptum aliquod, dum ab Authore Eminentissimo in lucem datur sub approbatione Censorum Romanorum: non in judicio contradictorio, aut Congregatione aliqua, res ista agitur, non

etiam interveniente ipsius Sanctissimi Domini sententiâ, uti cætera quæ Romæ decidi in rebus doctrinalibus solent. Tamen reverentiam aliquam, imo magnam, meretur Censura vel sic data.

A N I M A D V E R S I O.

Assentimur libenter: nec dissensimus unquam.

S P E C I M E N.

Audiamus eum debacchantem: Il n'est pas de même icy, ou les Evêques & tous les Catholiques ont esté si frappez de la doctrine pernicieuse de ce livre, que le silence ou l'approbation au moins tacite de Romains ne sert qu'animer leur zele. Et je ne doute nullement quæ si nos Prelats ne sont pas écoutez à Rome, ils ne se fassent justice eux mêmes &c. Hi sunt tandem isti Ecclesiæ Rom. defensores, hi Brevium Apostolicorum Apologistæ contra Episcopos (ad libellos alludo, qui nuperrimè ex eorum officina tam plausibili cum titulo prodierunt) Hos habet jam Roma sibi devinctos & subiectos. En specimen se prodere incipiens dispositionis ipsorum.

A N I M A D V E R S I O.

Nihil iniquius, quam istas Abbatis Galli debacchationes adscribere Belgis Theologis, in Sedem Apostolicam observantissimis. Sed eadem Sedes judicet, an hæc, *Je ne doute nullement, quæ si nos Prelats ne sont pas écoutez à Rome, ils ne se fassent justice eux mêmes*, simillima non sint iis, quæ tum in *Repetitione* sua aliquando debacchatus fuit, tum in hoc *specimine* iterum debacchatur Accusator

Kal. Martii 1695. palam in Lectione monuit Auditores suos, ne mirarentur, si ipse in posterum animosus inter docendum propugnaret *Doctrinam communem Scholæ & Ecclesiæ contra quorundam paradoxa præcipuè circa administrationem Sacramenti Pœnitentiæ. Rationem fore, quod jam revocato Deputato Episcoporum, qui Romæ urgebat controversiarum decisionem, non amplius expectaretur talis decisio.* Idemque monuit postridie scripto publico, quod *Repetitionem* vocat. Quid, quæso, hoc est aliud, quam apertè dicere: Dum Roma mihi non administrat justitiam, administrabo ego mihi ipse?

Verum apertius in hoc SPECIMINE. Quid, inquit, nobis restat, nisi ut Roma ... vel nos condemnet, vel (quod idem est) ipsos indamnatos in Capitibus. super quibuseos accusamus, sinat? Sed quid

quid igitur? Manum tollemus de tabula? Planè Alia est medicina, domestica, & non tam procul repetenda; quæ utinam jam ab initio adhibita fuisset! Neque nos tantum laboris & impensæ, neque Roma ipsa tantum molestiæ pertulisset. Hæc ut minus æquiparanda sunt debacchationibus istis gallicis: Je ne doute nullement, que si nos Prelats ne sont pas écoulez à Rome, ils se fassent justice eux-mêmes &c.

SPECIMEN.

Hoc est: potius Cælum terræ misceatur, & fractus illabatur Orbis, quam non vindicemus nos de hostibus tam profanis.

ANIMADVERSI O.

Hoc *scholion* subnectit Accusator illi parti Epistolæ, quæ dixerat Abbas, omittendam non esse ab Episcopis Galliæ condemnationem libri Sfondrati, etsi id absque magno strepitu & multarum disputationum resuscitatione fieri non posset.

An vindicandi animo id dixerit Abbas, ipse, si vult, pro se poterit Accusatori respondere. Quod ad nos attinet, Accusatorem coram Sede Apostolica aut quovis iudice legitimo provocamus, ut probet calumnias, quas nobis affingit, aut eas recantet. Atque imprimis hanc, quod adeo sumus vindictæ cupidi, ut potius Cælum terræ misceri, & fractum illabi orbem velimus, quam non vindicemus nos de hostibus tam profanis, ut est Sfondratus.

Nolumus nos occulta cordis, quod facit Accusator, scrutari; sed non rarò contingere solet, ut ex affectibus propriis metiamur alienos, juxta illud: *In via stultus ambulans, cum ipse sit insipiens, omnes stultos æstimat.* Eccle. 10. Securi autem Orbis iudicio relinquimus, nobisne potius an Accusatori conveniat hic impetus: *Potius Cælum terræ misceatur, & fractus illabatur Orbis, quam non vindicemus nos de hostibus tam profanis.*

SPECIMEN.

Roma apud aliquos nuper MASSILIA erat (meminerunt omnes Clavis inventæ non procul Aldenarda) hoc est Semipelagianorum Augusta & Metropolis.

ANIMADVERSI O.

In eadem Clavi *Molinistæ* per anti-phrasim *Jansenistæ*, & vicissim *Jansenistæ* dicebantur *Molinistæ*. Quidni per Anti-phrasim Ro-

ma dicta fuerit Massilia pro Hippone, Patriâ S. Augustini? Quamquam ad nos nihil Clavis ista, quæ privatorum fuit, nec communi consilio fabricata.

Ad manum mihi est alia *clavis*, ipsius Accusatoris manu scripta, sed quam occultare malo, quam prodere: adedò ridicula sunt nomina quæ Viris etiam summis illic affinguntur. Unum tamen prodereliceat, nimirum quod quæstio *de facto & sensu Authoris* in ea vocetur *Contractus mobatra, d'oude Koy*, quod aliis verbis dici solet, *crambe recocta*. O quanta nobis indè, si sic loqueremur, conflaretur invidia!

S P E C I M E N.

Nunc tandem quam eam vocabimus? ECLANUM fortè, Juliani Episcopi Pelagiani civitatem, adeoque Pelagianorum Arcem? (Nam Pelagii & Celestii ego Urbes ignoro) At plusquam Pelagianismus est, qui illic nidum construxit; ce Livre plus que Pelagien parût avec l'Approbation des Romains.

A N I M A D V E R S I O.

Nos eam vocamus *Sedem Petri, Omnium Ecclesiarum Matrem ac Magistram, Doctrinæ S. Augustini de gratia adversus Pelagianos Propugnatricem invictam*; quam nullus privatorum vel in media Urbe commorantium error, ut foret plusquam pelagianus, possit inficere.

S P E C I M E N.

Satius jam erat Arausionem confugere, quam Epistola mox pro Roma inclamat: Nos Conciles d'Orange &c.

A N I M A D V E R S I O.

Si Arausionem (ad Hæreticos) confugit, eamque pro *Roma* inclamet, qui citat Concilia Arausicana: Quidni Constantinopolim (ad Turcas) confugere dicatur, eamque pro *Roma* inclamare qui citat Concilia Constantinopolitana? Quidni Corinthum, qui Epistolas ad Corinthios? Quidni Ephesum, qui Epistolam ad Ephesios? Quidni Philippos, qui Epistolam ad Philippenses? &c. Hæc enim *Scholia* digna sunt Theologo? Nisi fortè digna sint illo, qui Scripturas & Concilia non citat; speratque ea se, dum citantur ab aliis, posse acumine tam miserabili eludere, aut certè ab iis citandis eos detertere.

S P E C I M E N.

Es revera nescio qui locus hos tam Romæ infestos potius nunc:

excipiat, quàm ille nuper veteri redditus schismati contra Romam. Adoranda Providentia Dei est, quæ permisit has voces factioni, alia omnia Romæ simulanti, hic excidere.

A N I M A D V E R S I O.

Indulgeri poterat homini acuto, ut delectaretur paulisper acumine, quod tam argutulè sibi invenisse videbatur: sed indulgeri non debet, ut in acumine tam inepto fundet accusationem hæreseos & schismatis: fundat tamen Vir acutissimus. Nam præmissio, saltem implicitè, hoc ratiocinio: "Citant Concilia Arausicana; Igitur Arausionem confugiunt, eamque pro Roma inclamant: quasi dialecticè rem confecisset, & jam nos de hæresi & schismate convicisset, plaudit sibi hoc Epiphonemate: *Et revera nescio qui locus hos tam Romæ infestos potius nunc excipiat, quàm ille nuper veteri redditus schismati contra Romam.* Quin & admiratur Dei providentiam, quæ permiserit eas voces factioni illi excidere. Latuisset scilicet & occultè per Ecclesiam serpsisset illorum Hæresis & schisma, nisi Concilia Arausicana citassent. Porro ne dubium ullum relinquat, qui sint hæretici & schismatici hi tam Romæ infesti, *Factionem* eos appellat, *alia omnia Romæ mutantem*: Theologos scilicet Belgas, qui debitam Sedi Apostolicæ reverentiam & obedientiam per Deputatum suum Doctorem Henricum Romæ profitentur.

S P E C I M E N.

Hic tandem plenè se aperit Mysterium iniquitatis; dispositio, inquam, in quâ decisiones Romanas expectant hi homines.

A N I M A D V E R S I O.

Non solum Abbas ille scriptor Epistolæ, *sed hi homines*, non alio nomine ab Accusatore, viro tanto, dignandi. Verum eam facile injuriam donamus: sed tolerandum non est, quodd iisdem hominibus Epistolam, ac dispositionem nescio cujus Abbatis iniquissime adscribat.

S P E C I M E N.

Singula perpendamus. L'on commençoit aussi bien en France &c. *Nimirum faverat istis Roma ad invidiam.*

A N I M A D V E R S I O.

Vel faverat justè vel injustè. Si justè; quid queritur? Si dicat fa-

vísse injústè ; quis ferat tantam in Sedem Apostolicam contumeliám ?

SPECIMEN.

Omnia ipsis contraria passim proscripserat.

ANIMADVERSIÓ.

Malam certè causam habuisse oportet Adversarios nostros, dum vel ipso Accusatore farente, *omnia quæ ediderant nobis contraria Roma passim proscripserat*. Nisi fortè malit de injustitia condemnare Romam proscribentem, quàm de mala scriptione Auctores proscriptos.

SPECIMEN,

Nihil penè quod ipsorum esset aut putaretur.

ANIMADVERSIÓ.

Mirum si hic tacitè non insinuetur, corruptam à nobis fuisse Aulam Romanam pecuniis ; atque ita effectum, ut nihil pene quod nostrum esset aut putaretur, Roma condemnaret. Adhuc enim in quorundam cerebro hæret fabula de septuaginta quinque florenorum millibus, de stanno Anglico, de tela Cameracensi, aliisque numeribus ejusmodi, Doctori Hennebel è Belgio missis, ad Eminentissimos Sacræ Congregationis Cardinales in partes suas trahendos : hæretque eò tenacius, quod R. P. FRANCOIS, fabulæ istius divulgator Romæ redux, non malè se illic habitum fuisse jactet, nihiloque modestior sit quàm priùs, etiam post thesaurum ipsius Romæ condemnatam.

SPECIMEN.

Quos ipsi voluerant, ad Urbem gravissimo imperio evocati erant.

ANIMADVERSIÓ.

Mandatum tamen istud nescio quibus prætextibus elusit Accusator. Qui enim prius, dum credebatur adversariis suis vel animos defuturos vel nummos quibus Legationem Romanam succiperent, non semel eos provocaverat, & in nomine Domini palam obtestatus fuerat, *eamus Romam* ; qui gloriatus fuerat in Epistola sua prima, *paratum se esse vel solum, vel addito ex illis socio legationem istam ultrò obire* ; qui jam professionis suæ diem palam edixerat : is, ubi vidit Hennebellum jam non verbis sed re iter aggredi, nihil non movit apud

apud Potestatem ſecularem, ut impedimentum illi objiceret. Verum nihil profecit, niſi ut Majeſtas ſua Catholica per litteras datas 2. Novemb. 1692. Academia Lovaniendi mandaret, *ut cum jam Doct̃or Hennebel in Urbem diſceſſiſſet, conaretur etiam omnibus quibus poſſet, viribus perſuadere Doct̃ori Steyaert, ut ſine mora idem iter ſuſpiceret, concurreretque ad negotii tam magni* (controverſiarum ſcilicet Belgicarum) *decifionem. Non minus fortè etiam urgebat Roma, quæ jam pridem utriuſque partis Deputationem gratam ſuæ Sanctitati fore ſignificaverat. At graviffimum, ut vocat, imperium, quæſito effugio, declinare maluit, quam ſuſcepto itinere implere.*

S P E C I M E N.

BREVIa quædam, ut vocant, & DECRETA obtinnerant, quæ ipſi interpretabantur favere ſibi.

A N I M A D V E R S I O.

Brevia & Decreta Apoſtolica, quæ obtinuimus, in ſenſu obvio recepimus, nec adjecimus interpretationem ullam, quâ ea in favorem noſtrum contortè traheremus.

Ipfè hujus criminis non ſemel reus eſt Accuſator. Nam primum quidem Breve Apoſtolicum in favorem ſuum interpretari conatus eſt per *Programma*, quod non multò poſt Sedes Apoſtolica ſuppreſſit: Alterum verò rurfus ad ſenſum ſuum torquere ſtudit per *Decretum circa uſum Formularii*, ſuper quo adhuc Sedis Apoſtolicæ ſententiæ am expectamus.

S P E C I M E N.

Igitur l'on commençoit auſſi bien en France que dans les autres Royaumes, à regarder les Theologiens de Rôme & ſes Tribunaux comme Ec. Jam hi noſtri Apologias pro Romanis edere cæperant.

A N I M A D V E R S I O.

Librum, credo, intelligit qui inſcribitur: *Deſenſe de deux Brefs... contre le Doct̃eur Martin Steyaert*, ubi duo Brevia Apoſtolica adverſus ipſum vindicantur. Benè an malè ea vindicaverit libri Author, Sedes Apoſtolica judicabit: ſecurus interim eſſe poſteſt, ſi nihil obijciatur præter *Declamationem* Feſtivam, quâ nuper luſit quidem Accuſator, ſed argumentorum vim, quæ nè attingit quidem, minimè eluſit. Nos ſententiam Sedis Apoſtolicæ tranquilli expectamus.

SPECIMEN.

Et jam fere iis restituerant Infallibilitatem à semet aliquando ipsis male ademptam.

ANIMADVERSI O.

Ostendat Accusator, ubi infallibilitatem aliquando Romanis ad emerimus; vel temerarium se Accusatorem agnoscat.

Ab ipso potius metuendum est, ne Infallibilitatem Romæ adimere incipiat, quam aliquando illi tribuerat. Quid enim non metuas ab homine, qui sic loquitur: *Nimirum faverat istis Roma ad invidiam. Omnia ipsis contraria passim proscripserat &c.* Si enim favore putet Res Romæ decidi; profectò non putat decidi infallibiliter.

SPECIMEN.

Cum ecce ingenti malo suo eadem Roma damnatis Baii operibus, apposuit ut & approbaret, nec postea improbare vellet, librum SFONDRATI.

ANIMADVERSI O.

Insignis impostura, quod Roma approbârit librum SFONDRATI.

SPECIMEN.

O nimirum Romani! Currebatis bene: jam judicia vestra sine discrimine recipienda erant ab omnibus etiam prætensis Jansenistis. Nunc autem audite sententiam vestram qui de Orbe Catholico judicare solebatis: Leurs jugement & leurs Censures se doivent recevoir avec ce discernement, que si elles appuyent la vérité & la Justice, on en doit faire cas; mais &c.

ANIMADVERSI O.

Iniquè hæc in nos Accusator. Quo animo fuimus erga Romam ante damnata Opera Baii & editum librum Sfondrati, eo sumus etiamnum: sed non item animus ipsius constat sibi. Antè susceptam ab Hennebello in Urbem Legationem, *In nomine Domini* obtestabatur, *eamus Romam*: nunc verò, ubi dicit *favere nobis Romam ad invidiam; omnia vobis contraria passim proscribere &c.* "Utinam, inquit, alia medicina domestica & non tam procul repetenda ab initio adhibita fuisset!" Sed de hoc postea.

SPECIMEN.

*Quid verò nunc amplius fatigamus aures Romanas? Quid si-
nem inde controversiarum nostrarum expectamus? Quid etiā
Romanos ipsos accusamus, quod non citius illum imposuerint? No-
verunt utique prudentissimi juxta ac Eminentissimi Patres inge-
nium hominum quibuscum nobis res est: sciunt non acquieturos,
nisi decisioni quam petierint ipsi.*

ANIMADVERSIO.

Non minus falso hæc de Eminentissimis Patribus, quam injurio-
se de nobis finguntur.

Falsum est, nolle Eminentissimos Patres controversias nostras
decidere: Quippè qui jam deciderint partem Controversiarum non
minimam de Formulario, & discutiendis iis, quæ adhuc supersunt
de administratione Sacramentorum, *magna sollicitudine* juxta Bre-
ve Apostolicum allaborent.

Nec minus falsum nobisque injuriosum est, ideò nolle Eminen-
tissimos Patres controversias nostras decidere, quod *sciunt nos non
acquieturos, nisi decisioni, quam petierimus ipsi.* Sciunt nos ac-
quievisse Decreto SS. D. N. Innocentii P. XII. dato 28. Jan.
1694. Sciunt nos acquievisse Primo Brevi Apostolico dato eodem
anno die 6. Februarii. Sciunt nos acquievisse Alteri Brevi dato 24.
Novembris 1696. Quid aliud ex his omnibus colligere possint, nisi
& deinceps nos eadem animi dimissione acquieturos decisioni,
quam fecerint?

Verum non ita fortasse sentient de Accusatore. Sciunt ipsum non
acquievisse Primo Brevi Apostolico, quo Additiones ad Formula-
rium rejectæ sunt, sed mox eum conatum fuisse per Programma
suum easdem Additiones restituere. Sciunt eum, post suppressum
à Sede Apostolica Programma, de eodem Brevi apud Sedem Apo-
stolicam questum esse, quasi satis aptum non esset ad remedium ef-
ficax malis afferendum. Sciunt illum nec acquievisse Brevi secun-
do; sed per duo Decreta, alterum *circa usum formularii*, alterum
circa administrationem Sacramentorum, pendentes coram Sede
Apostolica controversias pro seipso & per se ipsum decidere ten-
tasse.

Statuatur nunc, nostrumne potius an Accusatoris *ingenium sit,
non acquiescere nisi decisioni quam petierimus ipsi.*

SPECIMEN.

Frustra aliquem Romæ protestari de submissione, quæ ne in illius quidem est potestate.

ANIMADVERSIO.

Non tantum in Urbe de submissione sua protestatur Doctor Hennebel: sed & scripto nominatim exhibet submissionem præcipuorum Theologorum Belgii, tum intra tum extra Lovanium, quorum causam agit. Quæ protestatio si frustra sit, nescio profectò quæ certior excogitari possit.

Et fieri quidem posset, ut è Theologis illis aliquis non præstaret postea submissionem, quam nunc promittit; neque in potestate Doctoris Hennebel est efficere ut omnes eam præstent: sed non propterea frustra aut de sua submissione ipse protestatur, aut aliorum submissionem exhibet. Sufficit Eminentissimis ea certitudo quæ in hac vita haberi potest, & ex qua in rebus tanti momenti procedi solet: Eam autem certitudinem de Theologis illis habent Eminentissimi, postquam jam toties tamque constanter eorum submissionem experti sint.

Porro si majorem exigat Accusator; sciat & se frustra Romæ de submissione protestari: cum nec ipse de se securus esse possit, nec in ipsius potestate sit aliorum, qui ipsi adhærent, submitto.

Et quid, quod nec ea de ipso certitudo sit, quæ de nobis?

Nos primum Breve Apostolicum in sensu obvio, sine interpretatione, cum submissione recepimus: Ille conatus est illud per *Programma* ad suum sensum detorquere.

Nos credidimus illud sufficere ad extinguenda in Belgio Theolorum circa Jansenismum dissidia: Ille, non sufficere parum reverenter questus est apud Suam Sanctitatem.

Nos *Breve alterum* eadem, quæ primum, submissione recepimus: Ille ut primum ad sensum suum detorserat per *Programma*, ita & hoc detorquere conatus est per *Decretum circa usum Formularii*.

Nos adhuc Deputatum habemus apud S. Sedem: Ille suum jam pridem ab Urbe revocavit.

Nos à Sede Apostolica controversiarum decisionem etiamnum postulamus & expectamus: Ille, revocato jam Deputato suo, nec eam amplius se postulare nec expectare significat; postquam scilicet ipse duobus Decretis decidit.

Nos Romam de favore non accusavimus : Ille, favisse nobis Romam ad invidiam, scribit palam.

Nos iudiciis Romanis circa libros latis acquievimus : Ille Romæ exprobrat, quod *omnia nobis contraria passim proscripserit, nihil penè quod nostrum esset aut putaretur.*

Nos numquam Legationis Romanæ pœnituit : Ille optat, ut ab initio adhibita fuisset alia medicina domestica & non tam procul repetenda, simulque tot nummis ac laboribus parcitum fuisset &c.

Statuat nunc Roma, potiusne nos *frustra*, an ipse, de submissione protestetur.

S P E C I M E N.

Submittat se is in Urbe quantum voluerit: expectamusne securam fraternitatem quæ in Gallia, quæ in Hollandia, aut alibi in dispersione est?

A N I M A D V E R S I O.

Theologorum Belgii Catholici, qui de Jansenismo & Rigorismo accusantur, Deputatus est Doctor *Hennebel*; hos petit aut condemnari, si Rei sint, aut absolvi, si Innocentes; de horum submissione protestatur; de his Romæ quæstio est: De aliis vero, qui in Gallia, qui in Hollandia, aut alibi in dispersione sunt, eodemque cum illis nomine censentur, nihil mandatum est *Hennebello*. Quamquam (si quid coniecere liceat ex promptitudine, quâ Utrumque Breve Apostolicum receperunt) ab his etiam submitio speranda sit.

A Fraternitate verò Accusatoris, non tantum quæ in Gallia, quæ in Hollandia, aut alibi in dispersione, sed & quæ domi & in Belgio Catholico est, quid expectandum sit, statuent illi qui norunt, quâ animi ægritudine eadem Brevia aut susceperint, aut se suscipere patulisper simalarint.

S P E C I M E N

Fac ex. gr. damnare Romanos hoc ipsorum placitum, in quo plures veri existimant cardinem, non solum controversiarum nostrarum, sed & fidei Catholicæ: Ecclesia non est infallibilis in iudicando, Quis sit sensus obviu & naturalis alicujus propositionis; putasne illos se submituros? Quis tam hospes rerum nostrarum ut credat?

A N I M A D V E R S I O.

Periculum faciat Roma; nec umquam, spero, deprehender aliquid nos adversus debitam Sedi Apostolicæ reverentiam ac obedientiam

committuros. Sed fac damnare Romanos hoc placitum Accusatoris: *Ecclesia est infallibilis in judicando, Quis sit sensus obvius & naturalis alicujus propositionis*, putasne illum se submissurum? Quis credat, nisi qui *specimen Dispositionis* ab ipso editum non viderit? Qui autem viderit, quid credet, nisi eum dicturum quod jam dixit: *Nimirum Roma istis faverat ad invidiam, omnia ipsis contraria passim proscripserat, nihil penè quod ipsorum esset aut putaretur.* Præclara submissio,

SPECIMEN.

Certè cautiores fuere Romani ipsi, qui nihil tale huc usque tentare ausi sunt.

ANIMADVERSIO.

Insinuare videtur Accusator, jam apud Romanos certam esse illius propositionis condemnationem, sed cautelâ quâdam politicâ non pronuntiatam. Falsa sunt hæc. Propositionem illam, saltem implicite, tradunt Bellarminus, Baronius, alique Sedi Apostolicæ devotissimi, cum Theologis passim omnibus, quorum doctrinam Roma non facile condemnaverit. Tentavit nuper per CONSULTATIONEM quamdam Accusator in partes suas trahere Illustrissimum Episcopum Atrebatensem, cujus contra DELCURTIUM Decretum sic interpretabatur, ac si propositionem istam condemnasset: Verum CONSULTATIONI isti responsum est per scriptum cui titulus, *Lettre d'un Theologien de Douai &c.* solideque ostensum, non solum non voluisse Illustrissimum Atrebatensem propositionem illam condemnare, utpotè præstantissimorum quorumque Theologorum doctrinam; sed etiam in periculum adduci ipsam infallibilitatem Ecclesiæ in fide & moribus, si propositio ista negetur: adedò ab ea Infallibilitati Ecclesiæ metuendum non esse. Respondeat scripto illi Accusator, priusquam Accusationem veterem prosequatur, aut novam instituat.

SPECIMEN.

Imo nec de propria sua, seu S. Sedis infallibilitate, quam tenuerant hætenus, consultum duxerunt instituere quæstionem (vel permittere etiam ut quisquam institueret vel saltem attingeret) dum ad ipsos venerunt Deputati è Belgio.

ANIMADVERSIO.

Si verum sit, id non permisit Romanos; justissimis de causis non.

non permisere. Nostrium non est eorum consilia scrutari: quæ dum scrutatur Accusator, nescio de quâ Politica Romam accusat.

SPECIMEN.

In ludo dicunt esse injustitiam, si qui perdere nequit, lucrari speret.

ANIMADVERSIO.

Proverbium hoc temerè affingit Romanis Accusator.

SPECIMEN.

Nobis certè qui hos homines accusamus, nihil lucrandum est.

ANIMADVERSIO.

Nihil vobis lucrandum est accusationem vestram prosequendo; sed perdendum potiùs id quod accusando lucrati fuistis. Siquidem accusando id lucrati estis, ut dum alios de Jansenismo suspectos fecistis, beneficia passim omnia, officia, & dignitates ipsis præripueritis: Accusationem verò vestram prosequendo non aliud consequi possetis, quàm ut cogeremini probare quæ dicitis: Ubi autem deficeretis in probando; infamiam aliasque pœnas Canonicas in caput vestrum provocaretis. Nihil ergo vobis lucrandum est amplius.

SPECIMEN.

*Roma novit se illos damnando, nihilum promoturam, nisi ut di-
steriis incessatur & probris.*

ANIMADVERSIO.

Jam nostram Roma modestiam multis argumentis perspectam testatamque habet: modestiam verò Accusatoris ex hoc Specimine cognoscet. Quid enim post tot labores apud ipsum Roma promovit, nisi ut ab ipso audiat hæc & similia: *Roma istis faverat ad invidiam. Omnia ipsis contraria passim proscripserat, nihil penè quod ipsorum esset aut putaretur. Quid ergo nobis restat, nisi ut Roma, quæ nihil inutiliter facere affectat, vel nos condemnet, vel (quod idem est) ipsos indemnatos in Capitibus super quibus eos accusamus, sinat? Sed quid igitur? Manum tollemus de tabula? Plane. Alia est medicina domestica, non tam procul repetenda; quæ utinam ab initio fuisset adhibita! Neque nos tantum laboris*

Sc. impense neque Roma tantum molestia pertulisset... Ad principium redeundum est, unde non sine errore digressio facta fuit... Plane adhuc ea via aperta est, magna utique & evidens Sc. Judicet Roma, an hoc non sit ipsam dictariis & probis inceslere.

SPECIMEN.

„Leurs Censures se doivent recevoir avec ce discernement, que
 „si elles appuient la verité & la justice (*Veritas autem & justitia*
 „*semper est ex parte illorum, proprio quidem ipsorum judicio*)
 „on en doit faire cas; mais si elles ne servent ni a l'une ni a l'au-
 „tre, ou quelles leur soient même contraires; on ne les doit con-
 „siderer, que comme de Decrets donnez par surprise, & où les in-
 „trigues, le caprice & l'ignorance ont eu plus de part, que la
 „connoissance & l'amour de la verité.”

ANIMADVERSI O.

Quantò hæc in Decreta Sedis Apostolicæ graviora sunt, tantò nobis affinguntur injuriosius. Negamusea à nobis scripta umquam fuisse, vel nobis scientibus scripta ab alio. Criminationem ergo prober Accusator, aut recantet.

Quod interferit, *Veritas & justitia semper est ex parte illorum, proprio quidem ipsorum judicio*, nova injuria est, probanda itidem aut recantanda. Cæterum quàm bene in ipsum quadrent quæ hîc nobis affingit, statuatur ex sequenti specimine.

SPECIMEN.

Quid ergo nobis restat, ni sit Roma, quæ nihil inutiliter facere affectat, vel nos condemnet, vel (quod idem est) ipsos indemnatos in capitibus super quibus eos accusamus, sinat?

ANIMADVERSI O.

Hoc est: „Cum ergo in ferendis judiciis lucrari & nihil inutiliter facere affectet, eos condemnans, quos novit suæ condemnationi acquieturos, eos verò indemnatos relinquens à quibus timet ne dictariis inceslatur & probis; Quid nobis restat, ni, si ut vel nos condemnet, qui etiam innocentes nostræ condemnationi acquiescemus; vel (quod idem est) ipsos, et si reos, indemnatos sinat, qui Romani dictariis & probis inceslerent?”

Decerni velim, an hæc meliora sint iis, quæ pauld. ante redarguit in Abbatis Epistola: *Leurs Censures se doivent recevoir avec ce*

discernement &c. ? si enim politicè credat Romæ homines vel condemnari vel indemnatos relinqui ; quomodo credit sine discrimine Romanas Censuras recipiendas ? Aut si sic recipiendas credat , quomodo credit Romæ homines politicè judicari ?

Ut ut sit, hoc Accusatori persuasum est, Romam eos indemnatos relinquere , à quibus timet diſterius inſeſſi & probriſ. Atque hinc non mirum , quod tot in Romam diſterius & probriſ ſcateat ipſius *Specimen* : Credit ſcilicet aliam viam non eſſe , quâ poſt tot calumnias Innocentibus affiſtas & numquam probatas aut probandas , imminentem Capiti ſuo ab Urbe ſententiam poſſit avertere.

S P E C I M E N.

Sed quid igitur manum tollemus de tabula? Plane.

A N I M A D V E R S I O.

Nimirum , vale Roma , dum non faves nobis , iſtis autem *favet ad invidiam* : dum omnia ipſis contraria paſſim proſcribis ; nihil autem pene quod ipſorum ſit aut eſſe putatur : Vale , inquam , Roma , & ultimum hoc à nobis *Specimen* habe ; *Diſpoſitionis* Adverſariorum noſtrorum , ſi credere viſ , aut , ſi non viſ , *Diſpoſitionis* ſaltem noſtræ teſtem luculentum.

S P E C I M E N.

Primum multa ſanat tempus quæ alium non admittunt Eſculapium. Sic ſub Alexandro P. VIII. ſanata ſunt ſupra XXX. vulnera , quæ antea medicinam non niſi inchoatam invenerant.

A N I M A D V E R S I O.

Expectat ſcilicet Accuſator , venturum aliquando Pontificem , qui (ſi cum ipſo loqui ſas ſit) *ad invidiam favcat* ipſi , ſicut nunc *ad invidiam favet nobis* SS. D. N. Innocentius XII. qui omnia ipſi contraria paſſim proſcribat , nihil pene quod ipſius ſit aut eſſe putatur. Tunc accuſationes ſuas inſtaurabit , qui nunc manum tollit de tabula : tunc Deciſionem Romanam urgebit , qui nunc domeſticam adhibet. Sic enim proſequitur nihil diſſimulans.

S P E C I M E N.

Deinde alia eſt medicina , domeſtica , & non tam procul rependa ; quæ utinam jam ab initio fuiſſet adhibita!

ANIMADVERSIO.

Hic se prodit egregia Accusatoris erga Sedem Apostolicam reverentia. Dum Romæ non obtinet decisionem quam petit ipse, minatur se decisionem domesticam adhibiturum, hoc est, contra ipsam Romam abusurum potestate suâ Vicariali, quam Roma ipsi concessit. Quin & ipsum pœnitet quod Sedem Apostolicam eo honore dignatus fuerit, ut ab ea Decisionem peteret; ideoque non sine dolore ingemiscit: *Utinam ab initio fuisset adhibita!*

SPECIMEN.

Neque nos tantum laboris & impense, neque Rôma ipsa tantum molestia pertulisset. Sed de hoc citò infra.

ANIMADVERSIO.

Vilis & abjecti animi est, de labore & impensa queri, ubi pro veritate ferenda & impendenda sunt omnia. Mirum etiam, Viros tot tamque potentes, tantillum conferre aut non velle aut non posse, ut Deputationem suam ad finem perducant: ubi alii pauciores & minus potentes, strenuè causam veritatis per Deputatum suum prosequi decernunt. Romam certè molestiæ non tædet, quæ post indefessos annorum quinque labores etiamnum discussioni propositionum, quæ delatæ sunt, magnâ sollicitudine incumbit, & præfixo Accusatoribus nostris termino peremptorio, parat negotio illi finem imponere.

SPECIMEN.

Notandum interim, imo horrendum, quid foret de Rep. Christiana, si omnes exemplo horum hominum, quos vident Romæ non usque adeo fastidiri, induerent hunc animum, ut censuras seu judicia Romana non admitterent, nisi cum hoc discrimine: Avec ce discernement, que si elles appuyent la verité & la justice &c. hoc est, unusquisque juxta votum suum; nam nemo non putat, se veritate niti & justitia.

ANIMADVERSIO.

Horum hominum, quos vident Romæ non usque adeo fastidiri. Non obscura in Romanos exprobratio est; sed nobis minimè probrosa, quos fateatur Romæ non usque adeo fastidiri.

Quod verò addit, induere nos hunc animum, ut Censuras seu judicia Romana non admittamus, nisi cum hoc discrimine: Que

fi elles appuyent la verité & la justice &c. *hoc est, unusquisque juxta votum nostrum*, id per summam calumniam nobis affingit.

An ipse cum animum non induerit, statuatur ex uno hoc quod subjungo specimine.

Induxerat in animum suum, *Additiones* famosas ad formularium Alexandri VII. veritate niti & justitia. *Additiones* illas rejecit Sedes Apostolica in Brevi ad Episcopos Belgii dato 6. Feb. 1694. Sed Brev e non recepit Accusator, nisi juxta programma suum, quo Breve Apostolicum juxta *Additiones* illas, mox ut ex Urbe acceptum erat, interpretabatur. Alterum Breve misit sua Sanctitas die 24. Novembris 1696. quo priori Brevi se insistere significabat: sed iterum istud juxta sensum *Additionum*, licet paulò artificiosius, interpretatus est Accusator per *Decretum* suum circa usum *Formularii*. Nimirum Brevia Apostolica non recipit nisi cum hoc discrimine: *Avec ce discernement, que si elles appuyent la verité & la justice &c.* hoc est, juxta sensum suum, quem putat veritate niti & justitiâ.

S P E C I M E N.

Non jam decisionibus Romanis credent, sed sibi ipsis, dum è decisionibus illis non recipient, nisi quod præconceperint verum & bonum esse; uti olim S. Augustinus de iis aiebat, qui de Scripturis nonnisi quod ipsis collibitum erat, recipiebant.

A N I M A D V E R S I O.

Ita est: sed an ipsi, an in Accusatorem nostrum ea quadrent, jam ostensum est.

S P E C I M E N.

Sanè jam nunc cum indifferentia non mediocri videmus ista legi & audiri ab hominibus, cetera minimè malis, & qui paulò antè ab his & talibus abhorruissent maximopere,

A N I M A D V E R S I O.

A nullo, quod sciam, vidi Epistolam illam Abbatis LeB. legi vel audiri cum ejusmodi indifferentia; gratisque id dici ab Accusatore ad commovendos Romanorum animos, planè puto. Irreverentiam in Sedem Apostolicam notant in ea omnes. Quin post vulgatam in *Litteris Historicis* istam Epistolam, alia edita fuit hoc titulo: *La véritable Lettre de M. l'Abbé de Bossu à un de ses Amis sur le Livre du Cardinal Sfondrate &c.* Ubi Abbas ille in *Monito ad lectorem*, dicit se summopere obstupuisse dum legendo *Litteras*

Historicas mensis Martii 1698. invénit illic quamdam *Epistolam Abbatis Le B.* quam quidem suam esse quoad substantiam non negat, sed dicit in ea pluribus locis sibi afflictum esse modum loquendi exorbitantem, quem non probat; idéoque se hanc *Epistolæ suæ* veræ copiam concedere, & consentire, ut si *Ecclesiæ* utilis esse possit, in lucem edatur. Hæc si ipse *Abbas Le Bossu*; nescio profectò, quinam sint homines isti, cætera minimè mali, à quibus *Epistolam Abbatis* cùm indifférentia non mediocri legi vel audiri dicit *Accusator*.

SPECIMEN.

Hoc erat quod desiderabatur ad nequitie cumulum: Ce n'est plus une nôte d'infamie, mais plutôt une marque d'honneur, quand un livre, qui enseigne des verités qu'ils ne connoissent (*les Romains*) ou qu'ils n'aiment pas, se trouve dans la feuille des livres Offendus: *Jam non solum dedecori non est, sed etiam gloria, Censuram Romanam incurrisse, si putas librum tuum veritates continere, quas Romani Judices vel non cognoscant vel non ament: Hoc iterum dumtaxat utrique partium persuasum sit; & feriari licebit Romanis à Censuris, & disciplina Catholici Orbis pesium ierit.*

ANIMADVERSI O.

Aio ego: *Hoc desiderabatur ad maledicentiæ cumulum*, ut tam temerariè ac falsò adscriberet nobis id quod *malitiæ cumulum* appellat. Profectò, si jam non solum non dedecori, sed etiam gloriæ nobis duceremus *Censuram Romanam* incurrere; stultè pro averrenda à libris nostris, quos ipse accusat, *Censura tantum laboris & impensæ* tot jam annis subiremus. Nec minor stultitia foret laborare pro obtinenda *Censura adversus scripta Accusatoris*: cum non mediocriter stultus sit, qui *Accusatori* suo non nisi gloriam laborando accersat.

SPECIMEN.

Quis non me durius egisse existimet cum Adversariis meis, dum illis in fronte hujus scripti titulum adscribo DEFENSORUM JANSENI, BAI, ARNALDI, &c. Atqui en ipsos se tales retectâ fronte propositentes: Ainsî ni les Jansenius, ni les Baius, les Arhauds.... ni tant d'AUTRES Illustres Theologiens, qui ont écrit pour la défense de la vraye Grace &c.

ANIMADVERSI O.

Tenemus *Accusatorem*, nè dicere possit se *Defensorem Jansenii, Baii,*

Baili, Arnaldi &c. non alium nuncupare quam Auctorem Epistolæ. Tales etiam hic apertè nuncupat *suos Adversarios*: Adversarios autem suos, & quidem antonomasticè, alios intelligere non potest, quam Belgas Theologos, quorum causam agit Doctor Hennebel in Urbe. Adjicit aliam calumniam non minus atrocem, *Quod ipsi se tales retectâ fronte profiteantur.*

Adversus hanc maledicentiam quem Judicem, nisi Sedem Apostolicam, imploremus? Vetuit illa, nequisquam vagâ ista accusatione & invidioso nomine Jansenismi traduceretur aut nuncuparetur, nisi legitimè suspectum esse constaret, aliquam è quinque propositionibus docuisse aut tenuisse: Et ecce Accusator noster non solum nos istâ accusatione & nomine traducit ac nuncupat; verum etiam quod retectâ fronte nos *Jansenii defensores* profiteamur affirmat: non quod constet legitimè suspectos nos esse aliquam è quinque propositionibus docuisse aut tenuisse, sed quod libeat ipsi temeritate incredibili affingere nobis Epistolam nescio cujus hominis, quocum nobis nullum umquam commercium intercessit.

Huic maledicendi licentiæ nisi finem ponat Sedes Apostolica, nunquam barbarum finis erit in Belgio. Si enim *Defensores Jansenii* continuè sint, quibus similem aliquam Epistolam adscribere voluerit Accusator; jam etsi Jansenistam nullum inveniat, Jansenistis tamen & Jansenii Defensoribus, quos ipse faciet, quoties voluerit, Belgium implebit.

SPECIMEN.

Malum, quod jam Orbi persuasum erat, non extare amplius in rerum natura JANSENISTAS aut Baianos nisi PRÆTENSOS.

ANIMADVERSIO.

Meritò Orbi persuasum est, & quidem per Breve Apostolicum, non extare amplius in Belgio *Jansenistas* nisi *prætensos*: An non nisi prætensi extent amplius *in rerum natura*, Romæ nondum discussum est. Satis fuit Belgis Theologis, seipsos à nota Jansenismi expurgasse: si alii per Orbem Theologi credant se eadem accusatione ac nomine falsò traduci ac nuncupari, habent Sedem Apostolicam, ad quam exemplo Theologorum Belgarum confugiant: eò facilius illic ab istâ calumnia liberandi sunt, quod apertâ jam per Breve Apostolicum viâ, nemo amplius sic traduci ac nuncupari possit, nisi legitimè suspectum esse constiterit, aliquam è quinque propositionibus docuisse aut tenuisse.

Porro si in Belgio Jansenistæ deprehensi non sint, nisi *prætensi*: quid sequitur, nisi de calumniâ convictos esse Accusatores, qui veros in Belgio Jansenistas esse probare debuerant? Frustra verò nunc ad exterâs Regiones ultra Belgium fugiunt, ut Jansenistam aliquem verum inveniant: Nam etsi illic invenirent, manent tamen convicti de calumnia, dum non invenerint in Belgio.

S P E C I M E N.

Sed & aliud sequitur, quod, ubi cumulum nequitiae antea posui, jam supercumulus ejusdem dici possit. Nequitia & superbia eorum qui te oderunt, Sedes Roma Petri, ascendit semper, etiam te retribuente pro odio gratiam & indulgentiam. Primo Censura Romana non placentes, sperni debebant; neque aliter considerari, que comme des Decrets donnez par surprise &c. Postea honoris loco habendæ; plutôt une marque d'honneur. Quid supererat, nisi ut jam opprobrio foret, judicio Romano probari aut laudari: Ils auroient honte d'être louez & approuvez par des gens &c.

A N I M A D V E R S I O.

Maledicentiæ cumulus erat, temerariè ac falsò adscribere nobis id quod nequitiae cumulum vocabat Accusator: quid, nisi maledicentiæ supercumulum dicam, majori temeritate ac falsitate nequitiae supercumulum, ut idem vocat, nobis affingere?

Jam supra Romæ suos in nos favores exprobraverat: hîc verò nostram pro tanta gratia ingratitudinem gravissimo affectu, sed graviori calumniâ, depromit, sic Romam affatus: "Nequitia & superbia eorum, qui te oderunt, Sedes Roma Petri, ascendit semper, etiam te retribuente pro odio gratiam & indulgentiam. „ Tu favisti Theologis istis Belgis ad invidiam; Tu omnia ipsis contraria passim proscripsisti; Tu nihil penè proscripsisti quod ipsorum esset aut putaretur: Ipsi verò nequam & superbi oderunt te; nec oderunt solum, sed & nequitia & superbia eorum ascendit semper: Primùm, Censuras tuas spernunt; Deindè, honoris loco eas habent; Tandem opprobrio sibi ducunt, judicio tuo probari aut laudari.

Quid detur tibi (exclamabat olim Accusator) *aut quid apponatur tibi ad linguam dolosam?* Idem nobis exclamare liceat, decernatque ipsum inter & nos Sedes Roma Petri, An ipse ad supercumulum maledicentiæ, an nos ad supercumulum nequitiae, & tantum superbiæ contra Romam gradum ascenderimus.

SPECIMEN.

Satis est, Abba, satis est: fecisti satis & nimis, ut agnoscamus tuam tuorumque dispositionem ad recipiendas, si quæ venerint, decisiones S. Sedis in controversiis nostris hodiernis.

ANIMADVERSIO.

Fecisti & tu, Accusator, satis, & nimis fecisti, ut agnoscamus tuam in accusando temeritatem & injustitiam.

SPECIMEN.

Si vobis placuerint, extolletis illas ultra cælos: si contra vel infra desiderium vestrum fuerint; tum verò omnibus diris devovebitis & eas & quotquot iis causam dederint. Tumultuabimini, furetis, insanietis.

ANIMADVERSIO.

Prophetis, dum futura prædicunt, sic tumultuantibus, furentibus, insanientibus, non creditur.

SPECIMEN.

Cardinales ipsos S. R. E. eorumque præcipuos inducitis, uti illis contradicentes, sic fecistis in condemnatione Prop. XXXI. sub Alexandro VIII. Mundus capere non poterit qui per vos scribillandi sunt libros & libellos famosos. Hæc via vestra scandalum toti mundo.

ANIMADVERSIO.

Contigit die 31. Maii proximè elapsi in Disputatione Sabbatinâ, ut cum Theologus quidam, vix mensium quinque, Accusatorem ex suo ipsius *specimine* oppugnaret, ostenderetque eum paratum non esse *attentissimè ab Ecclesia Romana discere*; hic pro solutione (cum alia non suppeteret) afferret istam, jactatam toties, & nunquam probatam, de libellis famosis calumniam. Instabat Theologus iterum iterumque, ut vel unius libelli famosi titulum designaret: sed designavit nullum, & coram frequenti Theologorum cœtu palam obmutuit.

Theologi istius exemplo pariter flagitamus ut vel unum libellum famosum designet Accusator, quem à nobis scriptum esse probet: Quod si non fecerit, temerariæ & injustæ Accusationis ream se esse sciat, & nos deinceps de libellis famosis accusare desinat.

SPECIMEN.

Quis eo pretio velit has decisiones?

ANIMADVERSIO.

Velle Romam decisiones, vel inde discere debuit, quod terminum peremptorium ipsi præscripserit, intra quem proferre debet omnia, quæ adhuc adversus *prætensos Jansenistas* proferenda habet. Dum autem proferre nullo potest præter miserandum hoc *specimen*, frustra Romam ab eo consilio deterrere nititur vanis istis figmentis, quod dispositi non sumus ad decisiones recipiendas; quod libri & libelli famosi, quos mundus capere non poterit, per nos scribillandis sint &c. Nam vel hæc ipsa ostendunt decisione opus esse; ut ista tandem quidvis in nos dicendi & scribendi licentia comperatur, & obstruatur os loquentium iniqua.

Dicam quod res est: Decisiones Romanas non vult Accusator; Ipse Rem omnem decidere vult in Belgio: & qui fingit Romanis tanti non esse decisionem suam, ut pretio libellorum famosorum eam velint; is tanti facit decisionem suam, ut pretio longè majori eam se velle declaret. Quæ enim turbæ, quæ contentiones, quæ scandala, non miscerent Ecclesias Belgicas; si pro decisione Romana conceptum suum primum, de quo mox, executioni mandaret Accusator?

SPECIMEN.

At tamen, dicet Lector amicus, occurrendum est malis; nec desperandum tam cito de remedio. Verum est: Sed jam antè hoc remedium premiseram.

ANIMADVERSIO.

Jam ante, ubi dixerat: Alia est medicina, domestica, Sed non tam procul repetenda; quæ utinam jam ab initio fuisset adhibita! Neque nos tantum laboris Sed impensæ, neque Roma ipsa tantum molestiæ pertulisset.

SPECIMEN.

Nec inane, si quidem mihi fides apud eos quorum interest.

ANIMADVERSIO.

Tam abjecti, spero, non erunt Illustrissimi Belgii Episcopi, neque tam pacis Ecclesiasticæ inimici, ut dominari sibi sinant Accusatorem. & per eum Dioceses suas gubernari. Hoc tamen ab iis postu-

postulat, ut *inane* non sit remedium, quod meditatur: *Nec inane*, inquit, *si quidem mihi fides apud eos quorum interest.*

SPECIMEN.

Ad principium redeundum est.

ANIMADVERSI O.

Addere poterat: Et causa, coram Sede Apostolica pendens, ad Tribunal nostrum revocanda.

Principio ergò non statuerat Accusator, controversias Belgicas Romam deferre; quamquam voce & scripto, privatim & palam, sæpius Romam provocaret, ipse vel solus vel cum socio, ut ajebar, ire paratus. Simulavit; & simulando captus est, dum capere voluit. Captus tamen evasit, nè iter promissum ipse susciperet: Pro se, Deputatum misit; sed neque hoc sine errore factum esse deplorat.

SPECIMEN.

Undè non sine errore digressio facta est.

ANIMADVERSI O.

Ergo non sine errore ad Sedem Apostolicam itum est.

Nolo hic eà in Accusatorem exclamatione uti, quâ usus est in nos ipse: *Nequitia & superbia eorum qui te oderunt, Sedes Roma Petri, ascendit semper, etiam te retribuente pro odio gratiam & indulgentiam*: Nolo in ipsum dicere, quod ipse paulò antè immeritò dixit in nos: *Hæc via vestra scandalum toti mundo*: Sed suam Sedi Apostolicæ causam vindicandam relinquo. Decernet ipsa, quid statuendum de Vicario Apostolico, qui non *sine errore digressionem* istam factam esse, ac proinde non sine errore Romam itum, cum totius mundi scandalo palam deplorat.

SPECIMEN.

Primus horum malorum, quibus Belgium tenetur componendorum conceptus fuerat, isque (uti solet) optimus: ut Antistites quasdam opiniones, undè malis origo, iudicio subjicerent virorum Eruditissimorum: quas dum hi censuissent noxias aut periculosas, in promovendorum examine eæ fuissent propositæ, & ex responsis admissus quisque vel rejectus.

ANIMADVERSI O.

Expendamus conceptum istum sigillatim.

Opiniones, unde malis origo, juxta Accusatorem nostrum ex indubiè sunt, quæ sunt opinionibus ipsius contrariæ, & quas de Janfenismo, rigore, vel novitate accusat.

Viri Eruditissimi, quorum judicio ea subjiciendæ erant, non fuissent alii quàm qui se profitentur opinionibus Accusatoris additos, & alienos à nostris.

Censuissent hi, noxias aut periculosas esse opiniones contrarias his aut similibus:

Angusta porta (Luc. 13. v. 24.) est porta Religionis Christianæ, etiam quatenus à vulgo fidelium (ne ad nescio quos rigores restrictio fiat) observatur.

Per se atque ut communiter fit, ebrietas est gravior fornicatione.

Peccatores ex infirmitate récenter lapsi, etiam fornicarii, faciliè & citò mediante Sacramento restituuntur, quemadmodum candela recens extincta, admoto igne, faciliè reaccenditur.

Viscositatem fornicationis v.g. sed nondum verse in consuetudinem, meliùs curaveris cità absolutione, quàm aliquot dierum dilatione.

Sacerdos, aliàs bonæ vitæ, per extraordinariam tentationem eàdem nocte in fornicationem lapsus, absolvi, mitti ad altare, & celebrare potest manè, si aliàs plebs die Dominicâ sacro frustranda foret.

Conversio peccatoris passim fit citò & faciliè.

Hæc est Ecclesiæ praxis universa, peccatorem ordinarium ex sola fragilitate lapsum non dimittere sine absolutione, quoties sincerè affirmat se esse verè contritum, proponere firmiter non peccare de cætero, pœnitentiam rationabilem acceptare, consilia salutaria velle sequi: modò ex nullis positivis signis Confessarius possit prudenter dubitare de opposito.

Hæc est Ecclesiæ praxis universa, consuetudinarium etiam primâ vice absolvi posse, modò sincerè affirmet se contritum esse, velle absolutè vitam mutare, consilia Confessarii sequi, vitare peccandi occasiones, pœnitentiam condignam implere &c.

Hæc est Ecclesiæ praxis universa, consuetudinarium absolvi secundâ vice posse, si à prima confessione vitam aliquo modo emendârit v.g. lapsus sit rariùs, tentationibus reluctatus diutiùs, pœnitentiam impleverit, occasiones peccandi vitaverit &c.

Idem etiam cum proportionem de tertiâ & quarta confessione dicendum.

Ad absolvendum prudenter pœnitentem non requiritur moralis aliqua certitudo.

Hæ & similes Accusatoris opiniones in promovendorum Examine fuissent propositæ: Qui illas admisisset, *admissus*; qui rejectisset, *rejectus* fuisset.

Sic Diœceses Belgii omnes unius Accusatoris nostri arbitrio & nutu administratæ fuissent (*si quidem ipsi fides apud eos quorum interest*;) Clerusque Belgicus totus aut debebat illi genu flectere, aut ab omni functione Ecclesiastica removeri. Nè tamen supremum sibi in Ecclesia dominium arrogare videatur; Iffrigidè subtexit candam sequentem:

SPECIMEN.

Servatâ tamen debitâ subordinatione ad Sanctam Sedem.

ANIMADVERSIO.

Mira equidem humilitas, & in Sedem Apostolicam reverentia! Omnia pro nutu suo, inconsultâ Sanctâ Sede, in re tanti momenti, undè pax Ecclesiæ pendet, disponere; & verbis facto contrariis debitam ad S. Sedem subordinationem protestari.

SPECIMEN.

Quod si fata Deum, si mens non læva fuisset.

ANIMADVERSIO.

Deos & homines inculcat, quod ipsius consiliis obtemperatum non fuerit, nec primus ipsius conceptus executioni mandatus. Deos quidem, eum *læva* ait fuisse eorum *fata*: homines verò (Episcopos quorum intererat) cum *lævam* ait fuisse *mentem*. Quare ex eodem Poëta addere poterat, & hunc versiculum:

Quem non inculcavi amens hominumque Deorumque

SPECIMEN.

Quot nummis, quot laboribus & turbis, parcitum non erat.

ANIMADVERSIO.

Nummis, fateor, & laboribus parcitum erat; sed non turbis. Incredibile dictu, quanto tumultu mixtum fuisset totum Belgium; si Accusatoris consilio obtemperatum fuisset. Nòrunt omnes, quæ turbæ exortæ sint, ubi primum in Belgio cœptum est exigi juramentum juxta *Additiones*, existimantibus quibusdam Theologis id tutò

prestari non posse: sed quantæ, putas, exortæ fuissent, si omnes per Belgium Theologi & Clerici, vel ad Sacros Ordines, vel ad Beneficium aut Officium, vel ad functionem aliquam Ecclesiasticam promovendi, coacti fuissent unius Accusatoris opinionibus, quas plurimi horrent, subscribere, & suis opinionibus quas saniores & tutiores putant, renuntiare, alioquin ab omni promotionis spe excludendi?

SPECIMEN.

Hæc tam facili ratione!

ANIMADVERSIO.

Ita est, nil eâ ratione facilius ad excludendos omnes, qui veritatem & conscientiam pro buccella panis, pro pugillo hordei, & pro modico corruptibilis vitæ venalem, non habent: sed nil iniquius, nil paci publicæ funestius, nil Ecclesiæ perniciosius.

SPECIMEN.

Nec deerat exemplum in Episcopis superioribus, Mechliniensibus & Gandensibus, ut videre licet apud Fagnanum in Cap. Ne innitaris.

ANIMADVERSIO.

Episcopi isti neminem à functionibus Ecclesiasticis repellebant, nisi ob doctrinam & praxim quarundam assertionum, quarum laxitas ac perniciēs prorsus erat manifesta ac evidens. Atque en tibi aliquot earum specimina:

1. *Pœnitenti habenti consuetudinem peccandi contra legem Dei, naturæ aut Ecclesiæ, etsi emendationis spes nulla appareat; nec est neganda, nec differenda absolutio, dummodo ore proferat se dolere & proponere emendationem.*

2. *Potest aliquando absolvi, qui in proxima occasione peccandi versatur, quam potest, & non vult omittere, quin imo directè & ex proposito querit, aut se ingerit.*

3. *Cobula cum conjugata, consentiente marito, non est adulterium. Et mollities, Sodomia, bestialitas, sunt peccata ejusdem speciei: rursus; adeoque sufficit in primo casu dicere in Confessione, se esse fornicatum: & in secundo, se procurasse pollutionem.*

4. *Licet Sacramentaliter absolvere dimidiatè tantum confessioni ratione magni concursus pœnitentium &c.*

Has & alias ejusdem farinae assertiones numero septemdecim Illustrissimus Archi-Episcopus Mechliniensis BOONEN proponebat iis, qui

qui ad audiendas fidelium Confessiones se examini sistebant; nec admittebat quemquam, nisi promitteret juramento, quod ab illarum praxi caveret. Ne quid autem ea in re temerè ageret, assertiones illas miserat Facultati Theologicæ Academicæ Lovaniensis, quæ partim die 30. Martii, partim 26. Aprilis 1653. judicavit eas *in praxi non tolerandas, & autoritate superiorum meritò prohibendas.*

Insuper & facti sui rationem Sacræ Congregationi Cardinalium S. Concilii Trid. Interpretum aperuit, dictasque propositiones censuratas transmisit, ut autoritate suâ superiori pium illud inceptum promovere dignarentur. Eminentissimi autem Patres zelum atque prudentiam ipsius summoperè laudârunt litteris ad ipsum datis Romæ 14. Novembris 1654. Ita refert Illustrissimus TRIEST, Episcopus Gandavenfis in litteris ad Facultatem Theologicam Lovaniensem datis 9. Aprilis 1657. cui & exemplo dicti Archi-Episcopi plures alias propositiones transmisit, pariter rogans, ut quas in praxi perniciosas aut non tolerandas judicassent, eas censurâ suâ singulis & junctim appositâ notarent. Erant autem hæ & similes:

1. *Licetum est querere directè occasionem proximam peccandi pro bono spirituali, aut temporali nostro, vel proximi.*

2. *Nemo tenetur occasionem proximam peccati vitare cum magno detrimento suo; undè nec concubinaris tenebitur dimittere concubinam, quæ ipsi nimis utilis est ad lucrandum bona temporalia mediâ negotiatione, vel etiam ad oblectamentum concubinaris vulgo Regalo, dummodo deficiente illâ nimis ægrè ageret vitam, & aliæ epulæ tædio magno afficerent concubinarium, & alia famula ad id nimis difficilè inveniretur.*

3. *Probabile est non peccare mortaliter qui imponit falsum crimen alicui, ut suam justitiam & honorem defendat, & si hoc non sit probabile, vix ulla erit opinio probabilis in Theologia.*

Alias ejusdem furfuris, usque ad viginti & sex, videre licet apud Fagnanum in Cap. *Ne innitaris*, suis sigillatim censuris à Facultate Theologica Lovanienfi, postulante Episcopo Gandavenfi, perstrictas.

Ab horum Episcoporum exemplo si ratiocinari velit Accusator, argumento, ut aiunt, à pari; debet paris absurditatis assertiones in Examine proponendas asserre: Si verò paris absurditatis assertiones non asserat; noverit se non rectè argumentari à pari.

Porro si paris absurditatis assertiones asserat; nullus erit eorum, quos accusat, qui non ejuret eas lubenter, promittatque etiam cum juramento nunquam se eas secuturum in praxi. An eadem animi

promptitudine illas ejurent qui adhærent ipsi, non item mihi constet; ipse in promovendorum Examine id dispiciat.

S P E C I M E N.

Dicere nolo cum Authore Epistolæ quam impugno; Ils ne sont pas à s'apercevoir de cette bevue, & à s'en repentir. Planè adhuc ea via aperta est.

A N I M A D V E R S I O.

Nequaquam adhuc aperta est, postquam causa ista tota pendet coram Sede Apostolica: pendente enim causa, nihil innovandum esse, omnes Jurisperiti consentiunt.

S P E C I M E N.

Magna utique & evidens.

A N I M A D V E R S I O.

Exultare videtur (utinam in Domino) Accusator, dum vel cogitat viam istam, magnam utique & evidentem, quâ tam facile omnes sibi non consentientes ab omni functione Ecclesiasticâ excluderet. Diceret cum jam indè Examini à se composito præsidere; & alios à sacris Ordinibus, alios à Confessionibus audiendis, alios à prædicando verbo Dei, alios ab aliâ functione Ecclesiasticâ, passim repellere.

Sed providebit, spero, sua Sanctitas, nè viam istam tam magnam & evidentem ingredi sinatur; atque in Ministros & Gregem Dei tantum dominium exerceat.

S P E C I M E N.

Neque enim hic de libro alicujus Cardinalis agitur, aut de re quæ supra Episcoporum sit potestatem.

A N I M A D V E R S I O.

De Episcoporum potestate hic quæstio non est, sed de potestatis usu vel abusu. Potestatem habent Episcopi, à Sacris Ordinibus & functionibus Ecclesiasticis aliquos repellendi: sed potestate istâ legitimè eos, non pro libitu, uti oportet. Uti fuerint potestate istâ illustrissimi Præsules BOONEN & TRIEST adversus Clericos, laxiorem doctrinam & praxim profitentes: nequaquam inde sequitur, eâdem potestate uti posse Accusatorem adversus Clericos, qui profitentur doctrinam & praxim, ut ipse vocat; rigidiorem.

Atque

Atque hoc tamen est continuum Accusatoris nostri sophisma, sic ratiocinantis : Vos plures è nostris ab audiendis Confessionibus repulistis sub ALPHONSO ; Igitur & nos meritò rejicimus vestros sub Illustrissimo HUMBERTO : Vos tunc habuistis vices vestras ; Igitur & nos meritò nunc habemus nostras &c.

Quasi verò Episcopus aliquis , addictus tunc opinionibus , quas ejurari voluerunt Illustrissimi BOONEN & TRIEST, rectè ratiocinatus fuisset in hunc modum : " Illi nolunt ad audiendas fidelium confessiones admittere, nisi qui ejurant opiniones meas : Ergo ego admittere non debeo, nisi qui ejurant opiniones ipsorum. Illi v. g. nolunt admittere, nisi qui ejurant hanc, *Pœnitenti habenti consuetudinem peccandi contra legem Dei, naturæ, aut Ecclesiæ, et si emendationis spes nulla appareat, nec est neganda, nec differenda absolutio, dummodò ore proferat se dolere & proponere emendationem*, quæ mea opinio est : Ergo ego admittere non debeo, nisi qui ejurant hanc, *Pœnitenti habenti consuetudinem peccandi..... est neganda vel differenda absolutio* &c. quæ est opinio ipsorum. Sic tamen argumentari velle videtur Accusator. Quæ argumentandi ratio si semel admissa fuerit ; jam nullus erit vel in Ecclesia vel in Republica tam iniquus dominator, qui Regimen suum, quantumvis Tyrannicum, non ab omni culpa expurget.

SPECIMEN.

Suppeditabuntur, ubi opus fuerit, ejusmodi opiniones ; per usum detegentur indies aliæ ab iis quibus aliqua est rerum ejusmodi cura.

ANIMADVERSI O.

Nunc suppeditasse & detexisse opus erat, cum præfixo Romæ termino peremptorio, proferre jussus est Accusator si quid adhuc nobis opponendum habet. Et ecce post tantum temporis & curæ & laboris nil profert quod nostrum sit, sed tantum Epistolam alienam, quam nobis affingit ; suam quidem in accusando inopiam, nostram verò innocentiam testatus.

SPECIMEN.

Nuper non nemo unam talem defexit, & fortè præcipuam.

ANIMADVERSI O.

Falsissimum id esse, & temeritate plenum, mox ostendam.

S P E C I M E N.

(*Si tamen istam exceperis supra tactam de fallibilitate Ecclesiæ in judicando quis sit sensus, &c.*)

A N I M A D V E R S I O.

Hanc profitentur Eminentissimi S. R. E. Cardinales , Bellarminus, Baronius , aliique ; item Illustrissimi in Ecclesia Episcopi cum celeberrimis passim Theologis, tamquam quæ necessaria sit ad Infallibilitatem Ecclesiæ in definiendis quæstionibus fidei & morum tuendam.

S P E C I M E N.

Epistolam attexam, deletis tamen nominibus, ut instructio sit, non accusatio. Plura fortasse dies suggeret.

A N I M A D V E R S I O.

Quasi verò sic onus probandi Accusator evaderet. Sparget scilicet in vulgus , quidquid libuerit ; nullius nomen exprimet ; sed per circumstantias non minus clarè designabit eos quos accusat , ac si nomen illorum exprimeret. Hoc pacto, si ita Judicibus visum est, impunè in famam cujusque grassabitur ; accusabit quos & de quibus voluerit ; falsa an vera sint crimina de quibus accusat, nil curabit : Et post hæc omnia *instructor* erit (quamquam nec ipse instructus) non *Accusator*. Quis non intelligat , laxissimam sic omni calumniandi licentiæ portam aperiri, ut sine fræno quosvis invadat ?

E P I S T O L A.

Eruditissime Domine.

A N I M A D V E R S I O.

Epistola hæc est Doctoris MARTIN ad Licentiatum OPSTRAET.

E P I S T O L A.

Cum intelligam D. Vestram alibi procul inquirere, quid de tua fide circa Redemptionem Christi esse fuerat auctore vulgatum : hisce literis D. Vestra significandum duxi, super suam & suspectam esse inquisitionem illam tuam extra Lovanium, cum hic me præsentem habeas, qui tibi ante insinuatam istam inquisitionem obtruli in Hallis, etiam per Notarium quem jactabas mittendum ut me interrogaret, plene refertis quid de tua fide nuntiaverim. Nunc verò, nè te vel alios frustra fatiges, etiam tui formæ comminorabo.

A N I M A D V E R S I O.

Quæ causa impulerit Doctorem Martin hanc ad me Epistolam scribere,

scribere, & ultrò se jactatæ de me calumniæ authorem fateri, potest ex his quæ subnecto intelligi.

Die 4. Anni 1698. Amicus quidam Mechliniæ ad me scripsit hæc:

REVERENDE ADM. AC ERUD. DOMINE,

Spargitur hic rumor, Eruditissima D.V. à Domino Martino fuisse propositum, an credas Christum pro se mortuum fuisse & pro aliis hominibus, cum oblatione Reverentiam vestram Cathedra & Confessionali vestituenda, casu quo affirmativè respondere & id ipsum scripto declarare vellet; Reverentiam Vestram autem id noluisse vel subterfugisse asserere. Rumori huic non credens eundem cum alijs ejusdem farinae calumniis contemnendum existimarem, nisi & per Viros prima nota & coram primariis divulgaretur. Primà die anni hujus id ipsum coram spectabili consorcio tamquam planè certum narrauit Dominus N... Vestrum eris expendere, an non convenias contra Dominum N... exhibere supplicam, quâ petatur, ut dicta probet vel revocet...

REV. ADM. AC ERUD. DOMINE,

4. anni 1698.

Totus Vester N. N.

Die 9. ejusdem anni adjecit Amicus sequentia:

In ultimis meis ad Reverentiam Vestram datis exciderat mihi indicare, quod N... addidisset, Dominum Martin facti mentionati varijs Belgii Episcopis dedisse declarationes in forma.

Circa idem tempus aliæ etiam litteræ ad alios venerunt Mechliniæ eadem nuntiantes, quibus & significabatur, mirari omnes Mechliniæ, quod famam meam sic negligerem.

Tandem 4. Februarii ejusdem anni scripsi Viro illi, qui ista de me Mechliniæ vulgaverat, his verbis:

AMPLISSIME DOMINE,

Audio rumorem spargi de me, quod non credam Christum pro me & omnibus alijs hominibus mortuum esse; quin & Amplitudo Vestra dicitur id in honoratissimo quodam consorcio de me asseruisse. Non existimo, Amplissima Domine, unquam me rumori isti ansam dedisse, cum contrarium semper palam & privatim professus sim, & adhuc profitear: ideoque humillimè rogo Amplitudinem Vestram, ut de iis quæ gesta sunt me instruere non gravetur, semperque ero hoc beneficio obstrictus.

AMPLISSIME DOMINE,

AMPL. VESTRÆ.

SERVUS HUMILISSIMUS.

Lovanii 4. Februarii 1698.

J. OPSTRAET.

Cum frustra ad hæc dies multos responsum expectassim, iterum sic scripsi die 19. ejusdem mensis;

AMPLISSIME DOMINE,

Die 4. hujus mensis scripsi Amplitudini Vestra in hunc ferè modum: "Audio me, spargi de me rumorem, quod non credam Christum pro me & omnibus alijs hominibus mortuum esse; quin & Amplitudinem Vestram dici in honoratissimo quodam consorcio id de me asseruisse: Non existimare me, quod unquam rumori isti ansam dederim, cum contrarium semper palam & privatim professus sim, & adhuc profitear: ideoque humillimè rogo me Amplitudinem Vestram, ut de iis quæ gesta sunt me instruere non gravetur. " Verum cum super his nihil hactenus responsi ab Amplitudine Vestra accipere meruerim, iterum amixè rogatum venio, ut dintus illud non differat. Satis enim intelligit Amplitudo Vestra, magnoperè ad famam meam interesse, ut tam enormis de me rumor quam socius compescatur. Maneo

AMPLISSIME DOMINE,

AMPLITUDINIS VESTRÆ

SERVUS HUMILISSIMUS

Lovanii 19. Febr. 1698.

J. OPSTRAET.

Ad hæc mihi respondit die 21. Februarii in hæc verba:

ERUDITISSIME DOMINE,

Memor est, ut puto, Eruditissima Dominatio Vestra eorum qua dicta sunt & gesta eo tempore quo interpretaveris Eximium D. Martinum cum finem, ut per ejus ad Illustrissimum D. commendatitias revocareres revocatam facultatem excipiendi Confessiones. An ea historia non dederis ansam huic rumori, de quo conqueritur in suis, ipsa videris.

Ceterum cum declinare possis omnem invidiam & rumorem illum reprimere subscriptione hujus propositionis, Ego fide divina et supernaturali credo Christum Dominum esse Redemptorem meum, seu pro æterna salute mea mortuum, sive, illius morte æternam salutem meam mihi redditam adeptu possibilem: rem sanè sibi proficuum & mihi gratam prastiteris, si quam primum mihi præfatam subscriptionem in forma digneur transmittere, quam avidè expectans maneo

ERUDITISSIME DOMINE,

Mechl. 21. Febr. 1698.

Vester humilissimus Servus NN.

Nota in hisce litteris *Formularium primum*, quod deinceps *Formularium Amplissimi Mechliniensis* vocabimus: mox sequetur *secundum*, quod dicetur *Martinianum*.

Ego ad hæc:

AMPLISSIME DOMINE

Hoc unum præcipue Amplitudinem Vestram rogaveram, ut significare mihi non gravaretur, verumne esset, quod in honoratissimo quodam consortio asservisset me non credere Christum Dominum pro me & pro aliis omnibus hominibus mortuum esse? Sed ne verbo quidem ad hoc Amplitudo Vestra respondet. Iterum ergo iterumque rogo, ut aliquid ad hoc responsi accipiam. Si id obtinere non possim, ignosceat mihi, spero, Amplitudo Vestra, si aliâ viâ cogar rumorem istum compescere, & fama mea consulere

Ceterum certus sum, me rumori, de quo questus sum, ansam nunquam dedisse per ea qua inter Ex. D. Martin & me aliquando gesta sunt. Quod verò attinet ad subscriptionem formula quam à me exigis Amplitudo Vestra; ego, dum opus erit, fidem meam Orbi toti multo testabor illustri, quam si formula vestra subscriberem, palamque ostendam, immeritò me suspectum haberi, tamquam cujus fides perejussimodis formulam explorari debeat. Aliud itaque responsum quantocius expectans maneo

AMPLISSIME DOMINE

AMPL. VESTRÆ

Servus humilissimus

Lovanii 1. Martii 1698.

J. OPSTRAET.

Nihil quidem ad hæc Amplissimus: sed quidam ipsius Amicus ita ad me scripsit die 4. Martii:

REV. ADM. AC ERUD. DOMINE,

Hieri coram Amplissimo Domino... facta mentione eorum qua circa initium hujus anni contigerunt, reponerat idem Dominus se tunc solummodo narrasse quod ab Eximio Domino Martin acceperat, quidque se ab ipso accepisse dixerat: ideoque contendebat Dominationem Vestram debere potius Eximium istum Dominum convenire... Ceterum hæc consenseris scripsisse, sic optans Dominum... à difficultatibus non necessariis eximi, ut nihilominus simul honori vestro consultum esse velim, qui sum ex animo

REV. ADM. ET ERUD. DOMINE

Mechlinia 4. Martii 1698.

Vester humilissimus famulus N.N.

Anxius itaque Amplissimus Lovanium venit, ubi collato cum Doctore Martin aliisque consilio, visum est, ad avertendas ab Amplissimo difficultates expedire, ut Epistolam mihi scriberet Doctor ille, in quâ se sparsi de me rumoris Authorem fateretur. Quasi idem calumniæ reus agi non posset Amplissimus, quia calumniæ tantum divulgator fuit, non Auctor; ubi contra certum est, non solum Authorem, sed & Divulgatorem eodem reatu involvi, atque ad reparandam injuriam, quam uterque intulit, utrumque teneri. Atque hæc quidem scribendæ mihi à Doctore Martin Epistolæ occasio exitit. Nunc quæ narrat audiamus.

EPISTOLA

Ante biennium die valdè (sic memini) nivosâ inter Collegia... &... (Ex Originali supple, S. Spiritus & Regium) me stitisti in platea, & questus de suspensa vel adempta tibi Facultate Sacras Confessiones audiendi, blandè & enixè rogabas, ut apud Illustrissimum D. Archi-Episcopum nostrum intercederem quo tibi restitueretur prædicta Facultas.

ANIMADVERSIO.

Res ista paulò altiùs repetenda est.

Anno 1693. circa Dominicam in Albis insinuavit mihi Reverendus Admodum atque Eximius D. DAEMEN Archi-Presbyter Lovanienfis, adimi mihi ab Illustrissimo ac Reverendissimo Archi-Episcopo Mechliniensi facultatem prædicandi Verbum Dei & Confessiones audiendi: idque sibi significatum per litteras, sed quas non ostendebat. Mox ego me Bruxellas contuli ad Illustrissimum, qui dicebat se non mandasse ut id scriberetur: ideòque sine mora alias litteras scribi jussit ad dictum Archi-Presbyterum, quibus mandabat ut mihi insinuaret, posse me, ut prius Confessiones excipere, modò intra Collegium Pontificium.

Simul Bruxellis didici, Doctorem MARTIN quasdam contra me ad Aulam Archi-Episcopalem scripsisse litteras: atque has causam dedisse, cur facultas Confessiones audiendi restringeretur ad Collegium Pontificium, cum priùs Confessiones exciperem in Sacello S. Anthonii.

Lovanium redeunti insinuat mihi D. Archi-Presbyter id quod mandante Illustrissimo sibi scriptum fuerat: ac deinceps pergo quorumvis ad me adventantium Confessiones excipere in Collegio Pontificio, eò securior, quod crederem æmulos meos nihil amplius ten-

turos apud Illustrissimum, à quo artes suas deprehensas & primos suos conatus elusos viderant.

Sed vel hoc ipsos adversus me concitavit vehementiùs. Nam non amplius duobus mensibus post, hæc mihi litteras scripsit R. D. VAN SUSTEREN tunc à Secretis Illustrissimo:

REV. ADM. ET ERUD. DOMINE

Varii Superiores, qui Alumnis Universitatis Lovaniensis intendunt, conqueruntur, quod Cura sua commissi passim ad Collegium Pontificium diffuunt Reverentia Vestra confidendi gratiâ, ex quo non parva experiantur incommoda in directionibus suis: Quare Illustrissimus & Reverendissimus Dominus meus Archi-Episcopus injunxit mihi, ut Reverentia Vestra insinuares, quod vellet & opportunè factura sit non indulgendo tantis laboribus, ac sese dumtaxat Collegii Pontificii Alumnis impendendo....

REV. ADM. ET ERUD. DOMINE

REVERENTIAE VESTRAE

Humilissimus servus

Bruzellis 6. Junii 1693.

H. J. VAN SUSTEREN Secret.

Qui fuerint Superiores illi, nulli difficile erit conjicere. Ego ut novas istas æmulum meorum accusationes eliderem, rogavi Collegiorum Præsides, Regentes, Subregentes, & Professores, quorum mihi alumni confitebantur, ut quid circa meam directionem experti essent dignarentur testari. Nec mora, testati sunt omnes, nulla umquam se ex directione mea in Alumnis suis incommoda expertos: Addebat alius, eos qui à me directi fuerant, singularem præ cæteris ostendisse vitæ probitatem, in studiis diligentiam, & in omni agendi ratione animum Viro Ecclesiastico dignum, velleque vehementer ut plures meæ directioni sese subjicerent: Alii, expertos se ea omnia, quæ causam præberent commendationi: Alii, habere se ex directione mea in suorum Alumnorum directionibus commoda plurima, siquidem ad oculum se videre, eos ex instructionibus meis indies proficere in pietate, morum probitate & diligentia studii: Alius, directionem meam semper fuisse & esse Alumnis suis tam utilem & salutarem, ut propter hanc illi fuerint toti Collegio exemplo, & sibi maxima solatii & gaudii causa; ideoque ex intimo corde rogare se ut alumnorum suorum directionem dignarer continuare.

Hujusmodi testimonia, omnino quindecim, cum litteris reverentiâ plenis die 8. Junii 1693. misi ad Illustrissimum ac Reverendissimum Archi-Episcopum: sed frustra.

Ipsi etiam Domino VAN SUSTEREN aliquando ostendi, verum esse non posse, quod varii Superiores, qui Alumnis Universitatis Lovaniensis intendunt, ex mea directione non parva experirentur incommoda in directionibus suis, cum ego attulissem testimonia contraria

ab illis superioribus, quorum Alumnos dirigebam. Sed neque sic quidquam profeci.

Supererat itaque mihi adhuc facultas audiendi Alumnos Collegii Pontificii; item facultas concionandi: sed & hoc quod reliquum erat, mihi inviderunt æmuli. Neque enim prius destiterunt, quam post duorum circiter annorum machinationes die 28. Aug. 1695. insinuavit mihi Doctor DAEMEN Archi-presbyter Lovaniensis, illustrissimum ac Reverendissimum Archi-episcopum Mechliniensem *revocare mihi omnem, quam adhuc habebam, facultatem concionandi & Confessiones fidelium excipiendi*. Cui mandato in hunc usque diem omni, quâ par est, reverentiâ obtemperavi. Ex his patet, Doctorem MARTIN primam occasionem dedisse restringendi facultatem audiendi Confessiones quam illimitatam habebam.

Hoc ipse mihi fassus est die ultimâ Julii 1693. non procul templo Jesuitarum Lovanii, cum ipsi significarem, quid Bruxellis de illo didicissem: quin & promittebat se gravamen, quod mihi intulerat, sublaturum pro viribus, si deprehenderet se de me falsum scripsisse. Scripserat autem, ut aiebat, hæc: "Venisse ad se Lectores aliquos, Religiosos, affirmantes me Confessiones excipere in Sacello S. Anthonii, quibus reponerat, se id non credere, eò quod meminisset, audivisse ab Eximio Domino DAEMEN, jam circiter à duobus annis, mihi ex parte Illustrissimi Domini prohibitum fuisse Confessiones excipere in Parochia S. Michaëlis; ex quo satis constaret, etiam mihi id prohibitum esse alibi: nec proinde putare se, adeò me esse sacrilegum, ut prohibente Illustrissimo Confessiones excipere auderem. Sed cum Religiosi perstarent id affirmando, rogarentque, ut ad Illustrissimum Dominum scriberet; omnia se, ut esse putabat, bonâ fide scripsisse."

Ad hæc ego: "Verum esse non posse, quod dicebat se audivisse, ab Eximio Domino DAEMEN; cum ipse Eximius DAEMEN, tunc Pastor S. Michaëlis, mihi dedisset veniam audiendi in Parochia S. Michaëlis Confessiones infirmorum; me autem veniam istam ab eo petivisse occasione cujusdam meæ pœnitentis infirmæ circa portam, extimam Diesthemensem: Non potuisse verò ipsum veniam illam mihi dare; si ex parte Illustrissimi Domini prohibitum mihi fuisset, in Parochia ista Confessiones excipere."

Cum hinc manifestum esset, eum errore facti deceptum de me falsa scripsisse; sæpius ubi occasio ferebat, sui eum debiti ac promissi de reparando gravamine admonui. Et (nisi fallor) ipsa illa die, ut ait, *valde nivosâ*, quâ ipsum stiti inter Collegia S. Spiritus & Regium,

iterum ipsum ut illatam injuriam repararet, hortatus sum.

Atque hoc est quod dicit, *questum me de suspensa vel adempta mihi facultate sacras confessiones audieendi, blandè & enixè rogasse, ut apud Illustrissimum D. Archi-episcopum nostrum intercederet, quo mihi restitueretur prædicta facultas.*

EPISTOLA.

Ego respondi: Licet de precum mearum successu magnoperè dubitarem, è vestigio tamen daturum me tibi attestationem meâ manu descriptam quâ cunctis declararem non esse te Jansenistam, neque eo nomine debere manere suspensum à prædicta facultate, sub hoc articulo subscriberes:

ANIMADVERSIO.

Cùm monito meo de injuriâ apud Illustrissimum reparandâ nîl reponere posset Doctor MARTIN, significabat rem inde non pendere; sed omnia brevi compositum iri, si modò profiteri vellem, *Christum Dominum pro omnibus hominibus mortuum esse.*

Respondēbam, me hoc semper professum esse & adhuc profiteri tamquam articulum fidei.

At, inquit, intelligis id *pro generibus singulorum.*

Intelligo, aiebam, & *pro me, & pro Eximia Vestra Dominatione, & pro hoc, & pro illo, & sic pro omnibus hominibus*: idque repetēbam sæpius. Tum fortè proposuit hanc suam formulam:

EPISTOLA.

Ego fide Divinâ credo D. N. Jesum Christum esse Redemptorem meum, seu pro æterna salute mea mortuum esse.

ANIMADVERSIO.

En paucorum dierum spatio formularia duo: Alterum, *Amplissimi Mechliniensis*, proponi cœptum die 21. Feb. 1698. Alterum, *Martinianum*, propositum die 11. Martii ejusdem anni. Mirum, si non cras tertium aliquod, & perendie quartum, & quotidie novum aliquod nascatur. Nimirum non sufficit amplius Formularium Alexandri VII. Abolendum fuit istud, dum *Additiones* illi adjectas abolevit Sedes Apostolica. Nulli amplius per illud, sine additionibus propositum, deprehendi poterant Jansenistæ. Aliud primùm ab Amplissimo Mechliniensi, deinde & aliud à Doctore Martin fabricandum fuit meliori successu. Nam utrumque eam vim habet, ut quoslibet, qui non subscripserint, mox sine misericordia, etsi minimè sint, faciat tamquam Jansenistas.

Sed quæ tandem est ista privatorum hominûm arrogantia, nova fidei Formularia præscribere? Quæ temeritas, ea præscribere in causa Jansenismi, in qua præter Formularium Alexandri VII. quidquam præscribi vetuit Sedes Apostolica? Quæ ista in Breve Apostolicum irreverentia?

Sed hæc Sedes Apostolica judicabit. Ego quidem ista miror in Doctore Theologo: sed magis in Amplissimo isto Mechliniensi, qui cum nec Theologiæ, ut audio, nec fortè Philosophiæ umquam operam dederit, audet tamen Theologiæ Licentiatîs formulam fidei præscribere; & nisi subscribant, de Jansenismo suspectos habere.

EPISTOLA.

Tu quidem subridendo reponebas: Quis dubitet?

ANIMADVERSIO.

Fatente ergo Doctore Martin, Jansenista non sum. Nam quod dixi, *Quis dubitet?* sincerè dixi, & eo sensu dixi, quo verba ista intelligere ipse debebat: Nimirum, *sine ulla dubitatione, fide divinâ credere me, D.N. J. Christum esse Redemptorem meum, seu pro æterna salute mea mortuum esse.*

EPISTOLA.

Ego ingenuè me dubitare, an id crederes.

ANIMADVERSIO.

Quid facerem homine, post verba mea tam disertâ adhuc dubitante? Jurarem? At neque sic fortè crederet. Quid ergo? Credebam non multum interesse, an crederet; sed cum ex dubitatione tam temeraria venturum ad accusationem tam enormem, fateor, non crederam.

EPISTOLA.

Et per manicam attrahere ut ingredereris Collegium.... (ex Originali supple, Regium) ubi & tua de illo articulo fides, & mea de fide tua declaratio & attestatio scripto signaretur.

ANIMADVERSIO.

Si per manicam me attraxerit, ut ingrederer Collegium Regium, joco magis, quam seriò id accepi ab homine satis liberaliter jocosâ. Quis enim crederet, aut seriò ipsum velle mihi formulam præscribere; aut seriò cum credere, me formulam ab ipso præscribendam signaturum?

E P I S T O L A.

Tu verò requisitum præstare absolutè recusasti ; & à petita intercessione urgenda desistere , quam præfato articulo subscribere maluisti.

A N I M A D V E R S I O.

Non recusavi absolutè (nam postulante Sede Apostolicâ , aut aliâ Autoritate legitimâ id præstare promptissimè) sed ad postulatam hominis privati tam arrogans nè attendi quidem , tacitusque contempsit.

Quod dicit de petita à me ipsius *intercessione* , intellige de datâ à me ipsi (ut supra retuli) *admonitione* , ut illatam mihi apud Illustrissimum injuriam & consecutum indè gravamen repararet : quod ut tandem faciat , iterùm ipsum hic iterumque admonéo.

E P I S T O L A.

Illâ recusatione tuâ , quâ rem tam facilem & æquam præstare noluisti.

A N I M A D V E R S I O.

Facilem esse rem istam , fateor ; sed an æqua sit , expendamus.

Æquumne est , ut Doctor privatus sumat sibi auctoritatem componendi & præscribendi novam formulam fidei ?

Æquumne est , ut id faciat in causâ Jansenismi , ubi à Sede Apostolica vetitum est quidquam præscribi præter formulam Alexandri VII. sine *Additionibus* ?

Æquumne est ut id faciat circa unam è quinque propositionibus de Morte Christi pro omnibus , quasi circa illam non satis per suum Formularium providisset Sedes Apostolica ?

Æquumne est , ut eos declaret Jansenistas non esse , qui subscribunt formulæ Sedis Apostolicæ , aut subscribere parati sunt , adhuc ut Jansenistas traducat ?

Æquumne est , ut postulante homine privato , novæ isti formulæ , sine auctoritate legitima compositæ & præscriptæ , imo per Sedem Apostolicam præscribi vetitæ , subscriberet S. Theologiæ Licentiatus , non sine periculo incurrendi Sedis Apostolicæ indignationem ?

Æquumne est , ut id faceret spe recuperandi ademptam sibi Facultatem Confessiones audiendi , quam fugere potius , quam ambire deberet ?

Æquumne est , ut id faceret cum periculo exponendi se ludibrio omnium hominum ; quippè qui scire deberet ac posset , ne quidem post signatum Formularium *Martinianum* , se facultatem Confessiones audiendi recuperaturum ?

Merito

Meritò ergo rem istam in iis circumstantiis præstare nolui, & nolo adhuc; præstare tamen paratissimus, ubi legitima auctoritas injunxerit.

EPISTOLA.

Cum servire tibi posset ad obtinendum quod vehementer desiderabas.

A N I M A D V E R S I O.

Neque vehementer desiderabam restitui mihi Facultatem Confessiones audiendi; neque, si vehementer desiderassem, servire mihi ad hoc poterat formulæ *Martinianæ* subscriptio: tum quod tanti apud Illustrissimum non sit Doctor *Martin*; tum quod tantum apud ipsum non valeat ipsius formula. Neque enim existimo, quempiam propterea à suspitione & nomine Janfenismi liberandum, quod illius formulæ subscripsisset.

EPISTOLA.

Firmatum est iudicium meum de tua tuorumque Symmystarum fide non bona.

A N I M A D V E R S I O.

Videte temeritatem & consequentiam insignem, quâ hodie Janfenistæ dicimur, & de *fide non bona* suspecti reddimur. Postulante „Doctore Martin, subscribere non vult Opstratus novæ Formulæ „fidei, ab eodem Doctore privatâ auctoritate compositæ, cum tamen „id servire posset ad recuperandam facultatem Confessiones audien- „di: Ergo non credit fide divinâ D. N. J. Christum esse Redemptorem „suum, seu pro æterna salute sua mortuum esse. „

Ego verò palam profiteor, si in iisdem circumstantiis à me exigeret Doctor ille subscriptionem hujus articuli, *Credo in unum Deum*, minimè me subscripturum. An idèò suspectus forem de *fide non bona* istius articuli? Quasi verò, quoties libuerit aut Doctori isti, aut Amplissimo illi Mechliniensi, novam nobis formulam proponere, toties nos aut paratos esse oporteat ad subscribendum; aut de *fide non bona* suspectos.

At major temeritas est, quâ illos etiam suspectos habet, quorum animos per suam formulam numquam exploravit: *Firmatum est*, inquit, *iudicium meum de tua tuorumque Symmystarum fide non bona*. Quid enim ad alios, quibus similiter facultatem Confessiones audiendi revocavit vel suspendit Illustrissimus D. Archi-Episcopus, quid, inquam, ad illos pertinet, quod ego formulæ *Martinianæ* subscribere noluerim? Hos tamen etiam se propterea suspectos habere significat verbis quæ sequuntur.

EPISTOLA.

Et ad amoliendam invidiam quæ Illustrissimo D. Archi-Episcopo N. obrevocatas ve. suspensas tuas & quorundam aliorum facultates conflare poterat, liberè diversis narravi quod inter te & me gestum fuerat.

ANIMADVERSIO.

Vel sic invidiam Illustrissimo D. Archi-Episcopo conflasti maximam. Nihil enim invidiosius de Illustrissimo narrari posset, quam quod ob suspensiones tam temerarias facultatem Confessiones audiendi revocaret aut suspenderet: Quippè qui sic manifestè impingeret in Breve Apostolicum, quod Episcopis injungit, *ne quemquam sub hoc prætextu (Jansenismi) repellat ab officiis, muniis, beneficiis, gradibus, ac concionibus habendis, vel alia quacumque functione Ecclesiasticâ permittant, nisi servato juris ordine, eam pœnam, quæ viris alioquin Catholicis gravissima est, commoverisse probatum fuerit.*

EPISTOLA.

Si nunc non rectè de fide tua me statuisse, ac temerè narrasse putes, consultissimum & expeditissimum erit, ut articulo supra posito indilatè subscribas; quod si feceris, ego oblatam attestationem promptissimè dabo, & meliorem præsentis tuæ fidei circa hunc articulum professionem non sequiter ubique prædicabo, maximè apud eos quibus ex relata tergiversatione male fidei est ingesta suspicio.

ANIMADVERSIO.

De fide mea statuisti pessimè, & pejus narraisti: si vis saluti tuæ consulere, illatam mihi injuriam repara. Si non vis, frustra expectas, ut petente Te Formulario tuo subscribam. Ego juxta Breve Apostolicum *sincerè, absque ulla distinctione, restrictione, seu expositione damno quinque propositiones ex libro Jansenii excerptas in sensu obvio quem ipsamet Propositionum verba præseferunt, prout sensum illum damnaverunt Summi Pontifices, damnatumque haberi voluerunt à Christi fidelibus.* Si post hanc professionem adhuc me ut Jansenistam habeat Doctor Martin, parum curabo: sufficiet, me Urbi & Orbi fidem meam probasse.

EPISTOLA.

Habes ergo me sparsi de te rumoris authorem.

ANIMADVERSIO.

Ergo & authorem Calumniæ.

EPISTOLA.

Paratum satisfacere si candidè præstes, quod justissimè postulatur.

ANIMADVERSIO.

Si non nisi sub conditione ista paratus sit satisfacere: timeo vehementer ne non satisfaciat unquam.

EPIS.

EPISTOLA.

Expectans celerem & apertam atque sinceram responſionem tuam, maneo, Eruditiffimè Domine, Eruditiffimæ D.V. ad quævis obſequia congrua paratiſſimus famulus N.N. (ex Originali ſupple, FRANCISCUS MARTIN) S.T.D.&P. Reg. Lovanii II. Mart. 1698.

ANIMADVERſIO.

Ne nimium obſequioſus foret, non offert obſequia niſi congrua, congrua, inquam, ſuo iudicio: ſed vereor nè non alia congrua iudicet, quam qualia mihi jam indè apud Illuſtriſſimum præſtitit; quæ ſi per meliora reparare non vult, ſaltem ne per nova nocere pergat, rogo.

Superest ut pauca animadvertam in Epistolam ſequentem, quæ niſi in *Specimine* palam ab Auctore exhibita fuiſſet, ego eam exhibere numquam auſim.

SPECIMEN.

ILLUSTRISSIMO ET REVERENDISSIMO DOMINO INTERNUNTIO APOSTOLICO MARTINUS STEYAERT FELICITATEM. *Quod nuper pollicitus eram ſcriptum, nunc mitto, demptis iis, quæ fortè minùs placitura videri poterant.*

ANIMADVERſIO.

Si tale ſit *Specimen*, demptis iis quæ fortè minùs placitura videbantur; quale fuiſſet, iis non demptis!

SPECIMEN.

Si Illuſtriſſima & Reverendiſſima Dominatio Veſtra dignata fuerit, uti benignè obtulerat, ad S. Congregationem Romanæ & Uniuerſalis Inquiſitionis illud deſtinare; rem fortæ huic non inutilem, imo nec ingratam, præſtitura eſt. Amant procul dubio Viri Eminentiffimi, non ſolum cognoscere quæ cominus apud ſe geruntur, & ſæpè ſpeciem fallacem præ ſe ferunt; verùm etiam quæ eminus, & ubi omnia ſunt apertiora. Videre hic poterunt, quæ ſit animorum diſpoſitio ad recipiendas deciſiones quas ipſi parare dicebantur, quaſque nos hic tantâ aviditate expectabamus.

ANIMADVERſIO.

Videre poterunt ex hiſce *Animadverſionibus*, quam iſta à nobis diſpoſitio aliena ſit, & quantâ nobis injuriâ affingatur ab eo, qui ex ſuo ipſe *Specimine* poteſt de diſpoſitione iſta redargui.

SPECIMEN.

Quo loco autem habenda ſit iſta unius EpistoLa, cujus fragmen-tum hic fideliter exhibetur; ipſamet Illuſtriſſima & Reverendiſſima Dominatio Veſtra melius S. Congregationem informare poterit: ut-

(52)
*potè cui ignotum non est , è quorum sensu poni ea soleant in LITTERIS
istis HISTORICIS , quæ Romam & hodiernas Belgii vel Galliæ con-
troversias concernunt.*

A N I M A D V E R S I O .

Nos palam declaramus , è sensu nostro ea poni non solere in *Lit-
teris Historicis*. Si quando fortè ponuntur quæ nobis favent ; non
ideò ponuntur è sensu nostro. Possunt ea poni ab adversariis ; possunt
poni ab ipso *Litterarum Historicarum* scriptore ; possunt poni ab
aliis rerum novarum studiosis : nemo umquam ostenderit ea poni à
nobis. Quid enim , si *Litteris Historicis* inserta essent hæc & simi-
lia : *Faverat istis Roma ad invidiam : Omnia ipsis contraria passim
proscripserat : nihil penè quod ipsorum esset aut putaretur &c.?*
nonnè inserta dicerentur à nobis ? Et tamen hæc ipsa sunt quæ
Specimini suo inseruit Accusator. Quidni ergo & ab Adversariis in-
serantur *Litteris Historicis* ?

S P E C I M E N .

*Nempè si quid nequius hi habent publicandum adversus Theolo-
gos sibi contradicentes , ipsosve Episcopos vel Romanos ; si quidem
id brevius est , sit per Hollandicum , ut vocant , GAZETTARIUM ; si
prolixius & operosius ; per MERCURIUM , LITTERASVE HISTO-
RICAS.*

A N I M A D V E R S I O .

Figmenta mera , & atroces calumniæ !

S P E C I M E N .

*His auxiliis & adjutoribus surgit nova ipsorum Hierusalem ,
an Babylon ?*

A N I M A D V E R S I O .

M. Lutherus , alique Hæretici , ubi ab Ecclesia defecère , cœ-
perunt eam *Babylonem* appellare. Hoc solatio est nobis , quibus ad
extremum usque Spiritum Ecclesiæ fideliter adhærere , & pro fide ac
doctrina ipsius inter calumnias , dicteria , & probra , fortiter cum
Deo stare ac pati decretum est.

S P E C I M E N .

*Sciendi omnia , aut scire valenti , loquor : publicè autem id fa-
cio , quia publicè interest ut sciatur factum esse. Lovanii III. Kal.
Maias M. DC. XCVIII.*

A N I M A D V E R S I O .

Et nos publicè famam nostram tueri oportuit , postquam ea pu-
blicè per *Specimen* læsa fuerat ; nè , si publicè taceremus , publicè
nos Epistolæ , quæ nobis publicè affingitur , authores ; & simul tot
atrocium accusationum reos agnoscere videremur.

CONCLUSIO.

UT facilius Accusatorem inter & Belgas, quos accusat, Theologos discernat Sedes Apostolica, breviter hic tum ex *Specimine*, tum ex *Ani-madversionibus*, totius causæ compendium exhibebo.

I.

Criminationes triginta quibus Belgas Theologos in suo Specimine impetit Accusator.

1. Quod Authores sint Epistolæ Gallicæ insertæ Libello: *Lettres Histoires... Mois de Mars 1698.* pag. 3.

2. Quod Sfondratum nè Sacra quidem Purpura cum notissima virtute protegere potuerit adversus ipsorum amarulentiam. pag. 4.

3. Quod ideo Sfondratum impugnent, quia Sfondratus impugnat Jansenium, & ab illius sensis remotissima tradit. Ibid.

4. Item quia pro Autoritate Pontificis scripsit REGALE SACERDOTIUM. Ibid.

5. Quod, si nuper Summus Pontifex favisset Operibus Baii, nullus apud ipsos post prima sæcula fuisset Papa præclarior. pag. 5.

6. Quod potius Cælum terræ misceri & fractum illabi Orbem velint, quam non vindicent se de hostibus tam profanis, ut est Sfondratus. pag. 7.

7. Quod *Arausonem* confugiant, eamque pro *Roma* inclament. pag. 8.

8. Quod sint Romæ infestæ. Ibid.

9. Quod nullus eos locus potius nunc excipiat, quam ille nuper veteri redditus schismati contra Romam. Ibid.

10. Quod non sint acquieturi nisi decisioni quam petierint ipsi. pag. 9.

11. Quod frustra aliquis Romæ protestetur de submissione. Ibid.

12. Quod non submitterent se si Roma damnaret hanc propositionem: *Ecclesia non est infallibilis in judicando, Quis sit sensus obviæ & naturalis aliqujus propositionis.* pag. 10.

13. Quod Roma eos damnando nihilum promoveret, nisi ut diæteriis incessatur & probis. Ibid.

14. Quod veritas & justitia semper sit ex parte illorum, proprio quidem ipsorum judicio. Ibid.

15. Quod induerint hunc animum, ut censuras & judicia Romana non admittant, nisi cum hoc discrimine, *que si elles appuyent la vérité & la justice* &c. hoc est, unusquisque juxta votum suum. Ibid.

16. Quod pervenerint ad nequitiae cumulum, ut jam non solum dedecori sibi ducant, sed etiam gloriæ, censuram Romanam incurrisse, si putent librum suum veritates continere, quas Romani Judices vel non cognoscant vel non ament. pag. 11.

17. Quod sint Defensores Jansenii, Baii, Arnaldi &c. pag. 12.

18. Quod

18. Quod se tales rectè à fronte profiteantur. Ibid.
19. Quod ad supercunulum nequitiae venerint, dum opprobrio sibi ducunt, iudicio Romano probari aut laudari. Ibid.
20. Quod nequitia & superbia eorum contra Romam Sedem Petri ascendat semper. Ibid.
21. Quod decisiones S. Sedis in controversiis hodiernis, si contra vel infra desiderium illorum fuerint, omnibus diris devovebunt, & eas, & quotquot iis causam dederint. pag. 13.
22. Quod tumultuabuntur, furent, insanient. Ibid.
23. Quod Cardinales ipsos S. R. E. eorumque præcipuos inducent, uti illis contradicentes. Ibid.
24. Quod sic fecerint in condemnatione Prop. XXXI. sub Alexandro VIII. Ibid.
25. Quod Mundus capere non poterit qui per illos scribillandi sunt libros & libellos famulos. Ibid.
26. Quod hæc via ipsorum scandalum sit toti mundo. Ibid.
27. Quod quidam Eruditissimus *fide. divinâ non credas D. N. J. Christum esse Redemptorem suum, seu pro aeterna salute sua mortuum esse.* pag. 14.
28. Quod ex illorum sententiâ poni soleant in *Litteris Historicis* quæ Romam & hodiernas Belgii vel Galliae controversias concernunt. pag. ult.
29. Quod si quid nequius habeant publicandum adversus Theologos sibi contradicentes ipsi sive Episcopos vel Romanos, id, si quidem brevius est, faciant per *Hollandicum*, ut vocant, *Gazetarium*; si prolixius & operosius per *Mercurium*, *Latæscæve Historicæ*. Ibid.
30. Quod his auxiliis & adiutoribus surgat nova ipsorum Hierusalem, an Babylon? Ibid.

I J.

Criminationes Refutata, & in Authorem suum retorta.

1. Epistola *Litteris Historicis* inserta id præcipuè agit, ut non amplius Romam recurratur pro expetendo Sedis Apostolicæ iudicio, nec debita ei submissio aut reverentia exhibeatur: Contrarii agunt per suum in Urbe Deputatum Belgæ Theologi, quos Epistolæ Authores facit Accusator: Ergo illius Epistolæ Auctores non sunt.

Accusator in suo *Specimine*, imitatus Authorem *Epistola*, id præcipuè agit, ut Apostolicæ Sedis iudicium declinet, ut causas Romæ pendentes inde in Belgium avocet, & ipse eas decideret, multaque addit Sanctæ Sedi injuriosissima: Statuatur ergo, an Auctor Epistolæ potius dicendus non sit adhærere ipsi, quam Belgis Theologis quos accusat.

2. 3. 4. Numquam vel verbum scripsimus in Sfondratum; adeoque amarulentæ in ipsum, aut violatæ ipsius purpuræ ac virtutis, propter impugnatum ab eo Janseum & defensionem Authoritatem Pontificis, accusari non possumus.

Scripsit in Sfondratum Accusator: qui & famam Eminentissimi Aguirrii violat

violat pag. 6. afferendo eum passum esse libris suis inferi quædam circa contraversias modernas de Penitentia; & non ita pridem violavit sacram purpuræ alterius viri Eminentissimi, quem de curata ultima Editione Operum Baïi suspectum reddebat.

5. Numquam pro Baïo scripsimus aliquid. *Apparitionem Michaëlis Baïi* hactenus ineditam, edi primus curavit Accusator, ubi Bajus se propter de *Strinam* pœnas non luere respondisse narratur.

6. An eam, quam nobis adscribit vindictæ impotentiam in Sfondratum non spiret ipsius *specimen* in Romam & nos, Sedes Apostolica decernat.

7. Eadem statuatur, an non propior *Arausconi* sit Accusator qui Tribunal Apostolicum declinat, & causas illic pendentes ad Tribunal suum avocare atque ipse eas decidere nititur; quam nos, qui Sedis Apostolicæ judicium constanter imploramus.

8. Statuat item, an Romæ infestior non sit, qui dicit eam nobis *suavis* ad invidiam, & his similia; quam nos, qui omnem Romæ reverentiam & obedientiam verbo & re præstamus.

9. Atque ex his, an locus ille nuper veteri redditus schismati contra Romam, non illum potius quam nos exciperet, haud difficulter elucescet.

10. Nos Decisioni Romanæ acquievimus hactenus & acquiescemus deinceps: Ipse Brevibus SS. D. N. Innocentii XII. quia non sunt qualis petierat ipse, non acquievit; & an acquieturus sit decisioni quæ deinceps expectatur, ex *Specimine* ipsius statui poterit.

11. Non frustra Romæ de submissione protestatur Doctor Hennebel qui plenam habet ficultatem commissionemque omnium nomine protestandi: Sed frustra de submissione protestatur aut protestatus aliquando fuit Accusator, dum ante toties, & nunc iterum per *Specimen*, omnia facit protestationi contraria.

12. Ex factis etiam decernatur, Ipsene potius an nos parati simus non submittere Judicio Romano circa hanc propositionem: *Ecclesia non est infallibilis in judicando, Quis sit sensus obvius & naturalis alicujus Propositionis*.

13. Diutius & probis numquam Romam incesimus: Incessit eam si in suo *Specimine* Accusator.

14. & 15. Nos Brevia Apostolica SS. D. N. Innocentii P. XII. accepimus simpliciter: Ipse, non nisi juxta Programma & Decretum suum ubi ea a sensum Additionum interpretatur.

16. Ergo non nos, sed ipse fecit, quod vel ipsius judicio ad nequitiam cumulum desiderabatur.

17. & 18. Calumniæ sunt, quæ dum probari non possunt, ultrò in Authoris Caput relabuntur.

19. In ejusdem Caput relabitur calumnia de *supercumulo nequitia* in nostro falso ac temerè conjecto.

20. Quod dicit Accusator; *Nequitia & superbia eorum qui te oderunt, Sedes Roma Petri, ascendit semper, etiam te retribuente pro odio gratiam & indulgentiam*: ipsa Roma videat, an in *Specimine* completum non sit. Quod enim adversus Romam ascendat altius ipse Vicarius Apostolicus, non videmus.

21. 22. 23. 24. 25. & 26. An hæc omnia potiùs ab accusatore timenda non sint, quàm à nobis, colligatur ex ipsius *Specimine*, diras, tumultum, furorem, insaniam, diçteria, probra, contumelias in ipsam Romam spirante.

27. Ineptissima consequentia est, cui *calumniam* tantam superstruit Accusator. Quare ab illo postulo, ut quod palam sparsit, palam recantet.

28. & 29. Calumniæ sunt: atque hoc satis.

30. Decernat Roma, An *Babylonem* ædificemus nos, qui super *Petram* ædificamus & à Petri Successore Innocentio XII. Decisionem petimus: an potius *Babylonem* ædificet Accusator, qui non sine errore ad Sedem Apostolicam digressionem factam esse scribit, ideoque manum tollit Romæ de tabula, ut medicinam seu decisionem domesticam deinceps adhibeat.

I I I.

Calumnia, diçteria, & probra, quibus Accusator impetit Sedem Apostolicam.

1. Romam perstringit, quod *favorit nobis ad invidiam*. Pag. 9.

2. Quod omnia nobis contraria passim proscripserit, nihil pene quod nostrum esset aut putaretur. Ibid.

3. Quod Brevia quædam & Decreta ab ea obtinuerimus. Ibid.

4. Addit hanc imposturam, quod Roma approbaverit, nec postea improbare voluerit, librum *Sfondrati*. Ibid.

5. Non obscurè etiam accusat illius tarditatem in eo, quod non citius controversiarum nostrarum finem imposuerit. Ibidem.

6. Sed & ignavam Romanorum politicam notat, dum illos timore quodam humano ne a seos quidem fuisse dicit hucusque tentare censuram hujus propositionis: *Ecclesia non est infallibilis in definiendo quis sit sensus obvius & naturalis alicujus propositionis*. Si enim, ut insinuat, in ea vertatur cardo fidei Catholica; merito de Roma conqueretur Orbis Catholicus, si timore hominum eam damnare non ausit. Pag. 10.

7. Eadem politicâ indicat à Romanis damnari eos, quos sciunt suæ damnationi acquieturos indemnatos verò relinqui, à quibus timent diçteriis & probri incessi. Ibidem.

8. Hinc planè statuit, *manum Romæ de tabula tollere*, nec amplius super controversiis Belgicis aures Romanas inutiliter fatigare; sed medicinam seu decisionem domesticam adhibere. Ibid.

9. Quin & deplorat eam ab initio adhibitam non fuisse. Ibid.

10. Et quid, quod dicat apertè, *erratum esse*, dum Romam itum est? Pag. 13.

11. Hinc *ad principium redeundum esse, unde non sine errore digressio facta fuit*. Ibid.

12. Nec desperat se obtenturum ab iis, quorum interest, ut primum ipsius conceptum sequantur. Ibid.

13. Adde alia saltem indirecta, in Sedem Apostolicam diçteria & probra:

Quod